

S P E A K E R : In thiltih chu ngun taka ngaihtuahir ti rawh u; Mihring tana rorel in ni lova, LALPA tan a ni zawk si a; Rorelnaah chuan in hnenah a tel zel a ni.

II Chronicles 19:6

Zawna kan la nghal anga, Starred question No.59-na zawt turin pu R.Lalzirliana i lo sawm ang.

PU R.LALZIRLIANA : Pu Speaker, ka lawm e. Starred question No.69-na, Health & Family Welfare Department kan Minister zahawm cak chhan atan - (a) Aizawl Civil Hospital-a X-Ray leh pumpui chhung lam enna, hmanruate hi a chhe reng mai a, mahse, Sorkar Doctor-te private-a an thawhna hmuna X-Ray leh hmanraw dang hi a chhe ngai si lova, Civil Hospital tana bungraw lei hi a chhe chi, to zeta lei a ni em ni? (b) Nge tute emaw sum hmuhna a dal theih avang hian Civil Hospital-a hetiang hmanrua hi tihchhiat luih thin zawk em ni?

S P E A K E R : Chhang turin pu F.Malsawma, Minister, Health & Family Welfare Department i lo sawm ang.

PU F.MALSAWMA : Pu Speaker, Starred question No.69-na (a)-na chumi, chhan-na ch -

(a) Aizawl Civil Hospital-a X-Ray leh pumpui chhung enna hmanruate hi a hmangtu an thathnem luattuk vang nge ni a chhe zing hle mai a X-Ray khawf bik hi a thar lei mek a niin, bun fel thuai a ni ang.

Pumpui chhung enna khawf pawh hi a supply-tute nen Annual Maintenance contract neih a niin, a theih ang anga siamthat zung zung zel an ni a, hna khaihlek lutuk lovin ia kalpui hram a ni.

So, kar Doctor-te private-a an thawhna hmuna X-Ray leh hmanraw dang chhiat ve ngai loh thu Sorkarin a hrelo.

Civil Hospital tana bungraw leite hi a chhe chi, to zeta lei an ni lova, a theih chin chinah company tha siam lei hram hram a ni.

Tute enaw sumhmuhna a dal theih avangin Civil Hospital-a hetiang hmanrua hi tihchhiat then zawk em ni ? tih kha a chhanna chu, sumhmuhna a dal theih avanga hetiang hmanrua hi ti chhiat then zawk anih thu Sorkarin a hrelot h a ni e.

PU C. THANGHLUNA : Pu Speaker, a relevant mai turah ka ngai a, han zawk belh ka duh a. Microscopy Malaria hrik enna Lawngtlai C.H.C. ami hi a tha tawh lova, Malaria hrik a hmuh theih tawh lova, hei hi a thar pek leh theih a ni angem tih ka zawt belh e.

PU K. T. ROKHAW : Pu Speaker, i hnunga Screen Projector in dah hi mir hlia chiah chiah a, T v-ah hian ka hmai a lang thei thin lova, ka privilege a khawih tlat. Helam an lak hian ka hnung lam a lang baw si a, he projector hi sawn anih loh chuan ka thutna hi min sawn la a tha ang Pu Speaker. (Speaker : Han lan deuh i duh anih chuan a la tu lam khan han laksak hram hram ula a tha ang)

Pu Speaker, ka zawhna Medical Department hrang hrang equipment-te hi lei tum a ni em ? Tin, Central atanga Non-Lapsable pool atanga pawisa kan hmuh thu kan Minister khan a sawi a, hei hi engtikah lei tur nge ?

Tin, Outdoor inentirna khi a chep lutuk a, mipui tan sawn a hahthlak hle a, tin, a Room a chep baw si a. Chubakah Gynaecologist hi hmeichhe lam entu deuh anih avangin Room thawl deuh a ngai thin a, hei hi ka hriat kan chuan, Department pawhin Estimate pawh a siam vek tawh a, 3 crore vel estimate a ni a, engtikah nge hei hi sak tan anih ang tih ka zawt baw a.

Tin, Hospital & Medical Education Director hi a hran a, Health Director nena kal tir a ni tawh a, chuti anih takah chuan tunah hian Establishment emaw Finance emaw power hran a nei silova, kan Sorkar hian a chen hrang uk ve tawh si a, hei hi engtikah nge Directorate a nihna ang thlapa a kalpui theih ang tih ka zawt e.

Col. LALCHUNGUNGA SAILO : Pu Speaker, Civil Hospital ah hian X-Ray hi pak'at chauh em ni awm ? Minister sawi danah khan a hmangtu kan tam em em a, chumi avang chuan 2 te hi a neih theih lawm ni ? Tan kai leh hlawk zawka a chhiat pawha pakhat zawk hman theih turin 2 a neih theih lawm ni tih ka zawt e.

PU R.LALZIRLIANA : Civil Hospital-ah sawn damlo zokhua amite sum nei silcte hi an awm ve thin a. Tunhma chuan engtin tin emaw tanpui theihna te pawh a awa a ni anga, tunah pawh sawn ka bial Mualpheng ami pumpui Cancer zai loh theih loh a awm a. Chu chu Sorkar h an rethei zual ten an hman tur talin sum leh pai hi a dah thei lawm ni? Tunah chuan pu Barua te, Dr.Mamuna ten khawngaihin, vawiinah hian an lo zai hrem dawn a, chengkhat mah a nei si lova, tukinah ka han kal a, kei lah Hausa mang bawk silo, Rs. 1500/-ka pe tawk a, Sorkar hian tiang hi ngaihtuah dan a nei lawm ni, a rethei zualte tan tih ka zawt e.

PU ZAKFU HLYCHHO : Pu Speaker, zawhbelhna pakhat chauh. X-Ray khawl hi phai lam damdawi in tha deuh. te chuan damlo serious zualte chu an awmnaah an va la mai a, khawl te deuhin. Aizawlah hi chuan a ni ve lova. Damlo serious deuh an awm pawhin inzawn a ngai a, Damlo serious khawih chet harsa tak te pawh hi an awm ve thin a. Chuvangin, kan Hospital hian khat'ang khawl te chi kha a neih ve theih mai lawm ni? Doctor ho kha vawikhat chu ka zawt a, a man a tam vak loin an sawi a, chutiang chu kan nei ve thei em? tih ka zawt e.

PU SA'GIMINGTHANGA H PAUTU: Pu Speaker, zawhbelhna. X-Ray khawl chungchang hian sawi a hlawn angreng viau va, a then an sawina ah chuan ka hriatna a sual loh chuan pu Speaker, khawl hi tha deuh mai chi lei a ni a, chumi anih si chuan a khawl that a kha a that ang hian in X-Ray lam khawih tu Technician-te hian an thiam tawk lo deuh a ni lo maw? Chuvang chuan, training lamte an pe tha tawk lo nge tih kha ka zawhbelh duh a. Tin, chutiang a lo nih phe' chuan a khawl that anga changkan ang khawih thei tur khan an train tir thei lawm ni? tih ka zawhbelh a ni.

PU F.MALSAWMA : Pu Speaker, a hnuhung lam MINISTER atang khan han chhang ila. Kawnpui bialtu zahawm tak zawhna kha hemi khawl tha tak hi 1986-1987 chho vela order a lei chhoh kha a ni a, a man pawh a to va, cheng nuai 40 chuang man ni awmin hriat a ni a, a rei tawh hle a. Chu chu rei vaklo an han hmang a, amaherawhchu, a damna tur hmunte an nei tha tawk lova, pakhatnaah chuan. A pahnihnaah, khatih lai khan khatiang Sophiscated Machine-a kha a handle thiam tha kha kan lo la nei vak lova.

Chuvang chuan, hman that loh khan a awm a, chubkch chuan an dahna kha a lo tha tawk lova, hei hi keini hun hma oaih thil kha a ni a. A khawlte ekawl that loh leh dahna that loh avang khan sazute a lo lut a, a ei chhia a, tichuan, tunah hian auction a ni taw a, a chhangtu pawh an awm a, tihral a ni awm a. Tichuan, a thar tunah hian chh mek a ni a, order pawh siam tawh a ni a. Tin, zawhna kha X-Ray khawl damlo na zual bik tan tih a kha heng ang reng reng a ni tunah hian improvement kan nei a, a tul ang hi Sorkarin ngun takin a ngaihtuah a, a leina tur fund pawh kawng hrang hrang atangin dap kual a ni a, heng ang chi lova hi a tul ang zela ngaihtuah chhoh mek a ni a.

Tin, Saitual bialtu zahawm takin a sawi Damlo na zual tih kha chi hnihin thil mamawh dan a hi a sawi theih a, an zaina te, a zaina hmanrua te, hnimhlum te, a thuina te khata tana hliam enkawl na ang chi reng reng a kha Sorkar hian a tum a. Amaherawhchu, khawp atana an Damdawi anmahniin a ei tur te lei a ngai a, Damdawi thenkhat hi damlo tona an lei ve ngai a awm a, hei India ram pumpuiah, India ram Sorkar hian policy anga heng ang provide tawh loh hi a lo policy tawh avangin, Sorkar hmasaah pawh khan keini pawh i veilama kan thut laia pu Speaker, kan zawhna fo kha a ni a. State illness fund hi 2000-2001 inkarah khan cheng nuai 150 a awm a, chu chu hman chhoh a ni a, hmanral vek a ni tawh a tunah hian. Central Sorkar hi a strick khawp mai a, cheng nuai 100 lo dah ta ila, nuai 50 min rawn tum thei a, 50% kha, chumi tur pawh chuan State Bank-a dahna te leh account No. te nen ngai khan, a Certificate-te produce turin an ti hial a ni. Chutah pawh chuan cheng vaibelchhe hnih bak dah anih loh chuan an ti lehngal a, State lian hoin kha kha an hmang nasa lutuk ang tih hlawkhan a limit pawh an la siam leh ta zel a. Chung avang chuan harsatna a awm a, Saitual bialtu zahawm tak problem ang ka kei nitina ka neih a ni a. Aizawl khawpua awm phei chuan hei hi kan problem nasa a, a vanduai thlak khawp mai a. A Department pawhin tlem azawng tal chunghaihtuah tum ila kan ti a, budget-ah pawh kan han reflect ve thin a, mahsela sum a indaih lova kan plan-te non-plan te kan tight avangin a tlang zo thin lova. Tunah hian duh em em ma' ila, a tih leih theih lova, a manganthlak khawp mai. Mahni pocket atanga keipawhin pek chang hi ka ngah ve khawp mai a, hei hi kan duh i, kan tih theih loh, harsatna lian tak Sorkarin a tawh a ni e.

Tin, Aizawl West-I bialtu zahawm takin a zawhna kha, X-Ray khawl hi pakhat chauh em ni awm ? a lei belh theih lawm ni a tih kha. Hei hi tunah hian pahnih dang hmanlai a awm a, khami kan han sawi pakhat, a zawhna zawttuin a han zawhna ni bera lang hi chu khawl manto chhe ta kha a nih ka ring deuh ringawt a, a sawichian bik loh avang khan, ka chhang fuhah kan han ngai ngawt a. Chutihlai chuan, portable machine leh X-Ray khawl pangngai kan nei a, chu chu tuna kan hmanlai a ni a, a la tha reng a.

A chhe lampang hi a ri rei thin a, pahnih tha, thawklai hi a ri ngailo reng, reng a. He House zahawm tak hian chu chu kan hriat tlan a thain ka hria a. Chutihruai chuan, a manto leh lian chi tuna kan neih thar tur phei chu 300 M.A. kan ti a, medium pure, hemi hi chah mek a ni a. Hemi hi a lo hien chuan khawl lian zawk kan nei anga, kan changtlung zawk anga, tichuan, 3 Aizawlah hian a awn tawh ang, Iungleiah phei chuan hei aia tha hi an nei tawh nghe nghe a.

Tin, Tuipang bialtu zahawm takin a equipments lei tum a ni em ? a tih kha, hei hi Non-Lapsable atang mai nilo hian hemi Oncology lam Cancer treatment atang te, Regional Diagnostic Centre tur thlanna atangte leh accident-te leh vanduai thila emergency atan te leh 11th Finance Commission atangte NABARD atangte leh Non-Lapsable atang te kha equipments hi lei tum a ni a. Referrals Hospital ami tur te pawh hi sawmi peih hmaa damlo te kan tam tawh si a, refer hian Rs. 8,00,00,000/- emaw lai kumkhatah kan Sorkar hian a seng thin a. Chungte chu lo chhan vat vat beih-na turin rethei, phai pan theilo tena helaia an hman theih turin equipment hi lei kan tum a, kan lei mek tawh a, kan chah mek bawk a. Amaherawhchu, a tam ber chu supplier pakhat hian a hmuh loh apiang hian min khing zel maj a, chulaiah chuan tunah High Court-ah in mun mek te a awn a. Chung chu sutkian tuma beih mek a ni a. Hun rei vak lovah chuan a kian theih beisei a ni.

Tin, he House zahawm takin a kan hriat atar Mamit, Aizawl, Kolasib, Chaphai, Lawngtlai te hi hemi khawl tha 300 M.A. kan tih ang kha X-Ray khawh bun vek tur a ni a, chu chu tunah hian lei tura ruahman fel vek tawh a ni.

Tin, O.P.D. (out patient in entirna) chep lutuk hi nikum kumtawp lampang khan keimah ngeiin kengchhukin Non-Lapsable anih hmian a Lapse hmian min pe mai teh u, thin a Ministry-ah kan thlen tawh a. A Minister ngei kutin ka pe a, ani pawhin kan rawn ngaihtuah ang a ti a. Tunah hian kan indawr vel mek a ni. Tin, Planning Commission lokal te pawhin an en a, a thlalak leh Album-te nen Delhi-ah Session zawh hian ka kalpui leh dawn a ni. Tah hian cheng vai-belchhe 3 velin chhawng thum lian tak, Assam Type-in sawlaiah sawn sak kan tum a ni. Tin, re-organised an nih takah hian Director, Health & Medical Education leh Director of Health Services hi hemi hi inthen fel tura thil ruahman kha a ni tawh a, Finance lam atang pawhin chak takin a tul ang apiang leh Notification-te pawh an rawn siamfel a ni. Tah chuan, Committee-te kan nei a, a Floor inthen dan tur te kan ngaihtuah a ni. Tin, Staff thenfel dan tur pawh kan en mek a, kan Commissioner hova endik turin leh sawiho bakah a implement theihna turin hei hi chak taka kalpua buaipui lai mek a ni.

Tin, Lawngtlai bialtuin a Microscope a sawi kha a tul ang apiangin thuam thar mek anni a, Central Sorkar leh European Commission atangtein heng hi kan lei chho mek a ni. Heng hi pawlam atang vekin kan thuam a, Lawngtlai an thil lakrhamte chu a hmun ngeiah kalin kan ei tawh a, Damdawi In pawh saw puitlinga siam chhon tumin tunah hian project report kan siam lai mek a ni.

COL. LALCHHUNNGUNGA SAILO : Zawhbelhna, pakhatna, Kan Minister khan supplier reng reng hian kan tihfel hmain min khing zel a ti a. Supplier thlan dan kha a fair tawk lo a ni lo maw? Engatinge khin zel a ngaih?

Pahnihnaah chuan hemi State illness Assistance fund tih hi hmanah pawh dah a lo nih tawh si chuan, harsatna namenlo tunah hian kan tawh mek a ni a. Saitual Bialtu zaha tak khan a rawn sawi a. Kei pawhin zawha pahnih ka nei nghe nghe a. Cancer vei zai tur ngei ngei kha pawisa an neih loh avangin an in zawnchhuak leh a, hetiang ang khawpa harsatna kan neihah hian Boroltu sangberin kan ngaihtuah a, hei hi State-in a ngaihtuah thei lawm ni? Heti taka harsatna kan tawh mek lai hian 'tihngaihna a awmlo' ti ringawta in chhang lovin, tih tak tak kan tum thei lawm ni? tih ka rawn zawt belh duh a ni.

S P E A K E R : Chhang turin Pu F. Malsawma ilo sawm ang.

PU F. MALSAWMA : Pu Speaker, kha kha zawhna tha cak a ni a, Court-a mi an khin thuah khan, Court-ah hi chuan mi an kal thei a, tunhmaa min khinna pakhat chuan Tax clearance a awn tawh hnua a pek tunhmain kan hun ve hmair an lo pawm tawh avangin engahngamin pawm loh a ti a. Mahse, Tender terms-ah khanin Seal Tender chhungah ni tur a ni a. Thil diklo, a hmasa amiin an tih kha, thil diklo pahnih in thil dik pakhat a siam chuanglo tih kha Sorkar ngaihdan a ni a. Chuvang chuan tunah hian Court-ah Strong case kan neiin ka hria a. Kan chhang let mek a, miin an khin duh miau chuan an hneh dawn loh pawhin tikhawtlai te pawh an duh thei a. Amaherawhchu, Pu Speaker, Court-a thil awm anih avangin he thil hi chu kan chai thui vek thain ka ring lova. State illness fund chungchangan chuan kan sawi tawh ang khan tunah chuan rilru ngaihdan dang kan neih ka ring chuang lova, a tul a ni kan ti theuhva. Hemi House-a kan Member-te leh House-in a ngaihdan atangte pawh hian Sorkarin tih theih dan a awm nge awmlo, tih te leh Department malin limitation

a nei h dante pawh kan hre theuh a. Demand hrang hrang sawi tur te a la sawm anga, chutah chuan a tul hunah kan ngaih pawimawh zawng kha chu sawina hun tur la awm turah ngai ila. Department malin thil tih theih pialam hi a nei a ni tih kha i hriatsak ida a tha anga. Tin, tiangan, taka tul hi chu Sorkar pawhin sawi hova thil tihdan a awm em ti te pawhin kan dap chhoh mek a ni e.

S P E A K E R : Starred question No.70-na zawt turin pu L.N.Tluanga ilo sawm ang.

PU L.N.TLUANGA : Pu Speaker, ka lawm e. Starred question 70-na, kum 2000 Khan Accounts & Treasury Staff lak nan examination leh interview kha conduct a ni a. Kha result kha a chhuak ta lo em ni ? Exam leh interview conduct chhan, mamawh phuhruk nan examination leh interview pawh ti ve silo te, contract basis-in lak an ni ta em ni ? tih hi kan Finance Minister zahawm tak ka zawt e.

S P E A K E R : Chhang turin Minister pu Zoramthanga ilo sawm teh ang.

PU ZORAMTHANGA CHIEF MINISTER : Pu Speaker, kum 2000 Khan Accounts & Treasury Staff lak nan examination leh interview conduct a ni a, result chhuak lovin, contract base-in lak a ni ta mai em ni a ti a. Hei hi a dik khawp mai a, Department-a regular appointment-a Sorkar hnathawkte han lak hi, a Sorkarna kengtu tan phei chuan a chakawm em em a, Sorkar lamin mi kan lawm zawng sawi theihna anih avangin a theih ang chin chinah chuan, tih hram hram pawh kan tum a. Tichuan, 1999 a kan Fifth pay Commission report anga hlawh sanna an kalpui chhoh khan, rinaiin a sang ta a, a sang chak baw si a. Chuvang chuan regular-a appointment siamna tur, khami han kalpui a kha Sorkar lam pawhin fimkhur ngaia kan hriat avangin kan keng tlang ngam ta chih lova, a then thenah chuan. Chuvang chuan exam leh interview-a kan lo kalpuite pawh, hei hi chu kan tlin ngang lo a ni e, kan ti a. Hlawh thar nen han kalpui khan, regular appointment han pek hi, kan tlin ta lo anih hi, tiin khalamah chuan appointment pawh siam ngam lovin kan kalpui ta a. Tichuan, kan kal kan kal ta a, regular appointment pawh ni lovin.

Nimahsela, Accounts & Treasuries lamah hian Pension leh thildangah hna a tam ta lutuk a, pressure a nasa ta lutuk a, M.R. in emaw, contract basis-in emaw, temporary deuh tal pawhin lak anih loh chuan nawrna a nasa ta lutuk a, tih a nih avangin tunhnai deuh ti mai ila, kumkhat hnu zotah khan cont act basis-in engemaw zat chu lo la lo mai teh u tiin, Sorkar laminkan ti ta a. Tichuan, contract basi -in mi a hnuah hian lak a ni leh ta a ni.

PU L.N.TLUANGA : Pu Speaker, zawbelh ka duh a. He exam bei hi mi 1000 emaw lai an ni a. Interview a koh chin kha 300 lai an lo tling mai a, uin an ngaihven nasa an em mai a. Tuna kan Minister zahawm takin a sawi an, khanin, contract basis-in 7 lak tawh niin a lang a. Heta miin hriat an duh em em mai chu contract basis-a an lak a te hi interview leh exam pawh ti velo te, tute chhu g-kua emaw ni vokin an hre tlat mai a. Hei hi information kan neihnate hi a dik nge diklo tih han zawh chian leh zel ka duh a. An lak pakhat zawk chu, Lalrinliani w/o V.L.Hruaia, Electric Veng tih a ni a. Chu chu Chief Minister unaupa monu niin an hria a. A pahnihna ah chuanin, Pi C.Lalrindiki, Chief Minister u monu bawk niin an hria. A pa chu P.C. Lalsawma a ni a. Tin, a pathumnaah hian H.Lalawn bawli tih hi Lalbiakthangi fanu a ni a. Chief Minister nupui u monu niin an hre bawk a. Tin, a palinaah chuanin Lalramlawma tih hi kan Minister zahawm tak Pu Chama farnu fanin an hria a. Tin, pakhat dang Samuel Ramdinmawia tih hi a pa chu P.C.Saczathanga niin an hria a, Chief Minister laina hnai tak ni bawkin an hria a. A dang pahnih Lalmingmawii tih leh T.Lianthuami tih pawh hi mi hriat dan chuan Chief Minister leh Pu Chama candidate pakhat ve ve niin an la hre leh ta zel a. Hemi hnaruaklangreng, mamawh ayanga lo lak a te hi kan sam hruaitute chungkaw circle zimte mai atang khan niin kan hria a, chu chu exam beitate leh interview thleng hiala he hna beiseia nghakhlal ngawih ngawih tute hian hriatchian an chak a, information kan hmuh ni a lo dik reng em tih ka zaw a ni.

S P E A K E R : Chhang turin Chief Minister ilo sawm leh ang.

PU ZORAMTHANGA CHIEF MINISTER : Pu Speaker, a sawi pahnih kha chu ka hria a, a dang phei kha chu hriat pawh ka hre miah lo mai a

A hming list atangin ka check ve loh chuan kei pawh ka hre bik lova kha kha. Lalrindiki tih leh Lalrawngbawli tihte chu ka hria. A dang kha chu a hming list nena ka check loh chuan an hming pawh kha kei pawhin ka hriat vawikhatnate a ni a. Tin, Pu Chama ch' ingte lam tihte phei kha chu ka hre hauh lo a, chuvangin kha kha chu kan en ve deha e ngai anga.

PU P.B.ROSANGA : Zawhbelhna. Khang mi pasarih contract-a an lakte kha exam leh interview-a kal-tlangte zing ami an ni em ? tih kan zawt duh e.

S P E A K E R : Chhang turin Chief Minister ilo sawm leh ang.

PU ZORAMTHANGA CHIEF MINISTER : Pu Speaker, hemi an interview-na base hian he contract-a lak tur tih a ni lova, chuvangin khang an chhan leh chhan loh lam kha chu ka hre kim bik hauh lo. A chhan chu a za tela song tel kha chuan a lo chhang pawh an awm mai thei a. Chuvangin nichina ka sawi ang khang an hming pawh tuna kan Member zahawm tak pu Tluanga'n an sawi kha ka hriat kim bik hauh loh te a ni a. Hmana exam-naah khang an tel leh tel loh chu heti mai chuan ka hre bik hauh lo.

S P E A K E R : Starred question No.71-na zawt turin pu P.B.Rosanga leh pu K.L.Lianchia, a tu zawkin nge zawt ang. Aw, pu P.B.Rosanga.

PU P.B.ROSANGA : Starred question No.71-na, Health & Family Welfare Department Minister-in han chhang sela. Ka zawna(1), hei hi pu K.L.Lianchia nena kan zawhna lakkawp a ni a. (a) Mirethei damlote tanpuina State Illness Assistance Fund kha engvanga tawp ta nge ni tih ka zawt a ni. (b) Kan Sorkar hian pek chhunzawm leh tumna a nei em ? (c) Dilna theihluh tawh tanpuina la pek siloh mi engzatnge awm ? (d) C.T.Scan khawl hunfel a ni tawh em ? A hunfel nan cheng engzatnge sen a nih ? (e) Referral Hospital sak mek chu zawh a ni tawh em ? A pumpuiah cheng engzatnge hmanral ni tawh, Bill la pek theih rih loh a awm em ? Aawm nise, engzatnge tih a ni.

PU F. MALSAWMA
MINISTER

: Pu Speaker, Starred ques-
tion No. 71 na (a) Mirethei
damlote tawpuina State
Illness Assistance Fund

kha engvanga tawp ta nge a nih tih chhanna chu, pawisa
harsatna avangin Budget-ah provision a awm theih loh
vang a ni. (b) Kan Sorkar hian pek chhonzawm leh
tumna a nei em? Pawisa a ndaih chuan Sorkar hian pek
chhonzawm zel a duh a ni. (c) Dilna theihut tawh
tawpuina la pek loh mi engzatnge awm tih chhanna chu,
Fund awm loh avangin dilna ni dawn a ni tawh lova.
Amaherawh chu, Durtlang Presbyterian Hospital atang hian
hei 321 atan dilna rawn thawnthlak pawm tunah hian
office-ah kawl mek a ni. (d) C.T. Scan khawl hunfel a ni
tawh em? A hunfel nan cheng engzatnge ngai. Chhanna
chu, C.T. Scan khawl hi hunfel a la nilo deuh. A hunfel
nan hian pawisa sen a ngai hran tawh lo, kha kha a
installation atan bik. (e) Referral sak mek chu zawh
a ni tawh em. A pumpuiah cheng engzatnge senral a nih
tawh? Bill la pek theih rih loh a awm em? Awn nise,
engzatnge tih chhanna chu, Referral Hospital sak mek
chu zawh a la nilo. A pumpuiah cheng vaibelchne 23
hmanral tawh a ni a, Bill la pek theih rih loh cheng
nuai 200 vel la awma hriat a ni.

PU VANLALHLANA

: Pu Speaker, State Illness
Assistance Fund kha sawi
Civil Hospital atanga a dil

ngau ngau te kha chu an
clear vek em ni? Kan Minister zahawm takin an sawi
hmang Khan tuna dilna kawl mek a chu 321 chu Durtlang
Hospital atanga an rawn thehthlak niin sawi a. A
hma Khan Civil Hospital-a admitted patients-te damdawi
ina lut ngei te, tin, he State Illness Assistance Fund
hi a dil pawh dil, amaherawh chu, wawiinni thlanga la
hmulo tam tak hi an awm a. Khang kha an clear vek tawh
nge kan Minister Khan tuna an kawl lai a hi Durtlang
Hospital atanga rawn thawnthlak ni ang chiaha a sawi
kha han sawi deuh se ka duh a.

Tin, Referral Hospital din-
na tur atan hian detail project report hi a awm em tih
ka'n zawhbelh teh ang.

PU LALRINZUALA

: Pu Speaker, ka'n zawhbelh
ve na chu, State Illness
Assistance Fund a tawpna
chhan kha pawisa awm loh

vang tih kha chhanna kan hmu a. Pawisa awm loh vang
ni lovin, ngaih pawimawh loh vang a nilo maw tih zawh
ka duh a. A chhan chu, pawisa hi a tam tih hi kan
ngaithla chamchia, tin, kan Chief Minister Bunguow
sakna turah pawh Khan khati zat kha a exceed thei a ni
a.

Chuvang chuan, hei hi mirethei tan a pawimawh em em si a, a awm loh yang ni lovin, ngaihpawimawh loh yang a lo ni palh tak hlawhin, ngaihpawimawh hi a theih lawm ni tih kan zawt a ni.

PU K.T.ROKHAW : Pu Speaker, State Illness Assistance Fund hi India Sorkar hian Central atangin engzat percent nge a lo thawh ve a tin, kan Sorkar hian engzatnge a matching contribution tan a thawh ve thin tih hi kan zawt a ni.

PU K.L.LIANCHIA : Pu Speaker, han zawhbelh ka duh a chu, hemi C.T.Scan khawl hunfel nan hian sum a ngai lova tih a ri a. A hunna tur insakna saw a bun felna tur a ni chawkin ta hria a. Sawngte saw engnge ni, hemi a khawl linaa khan a tel tawh a, chung chu Sorkarina a senso a ni leh ta lo em ni ? A bunfel nana sum a ngai hran love tih kha a ni a. A bunna tur insak a ni a, sawng saw a khawl leitute khan an rawn sak a niin senso ngailo a tihna a ni em ? Tin, Referral Hospital sak mek a, nuai 200 vel pek loh nia hriat a ni tih kha, kha kha engtikah nge an pek kim theih ang le tih kha kan zawt tel leh duh a. A tam ta deuh a, a patumna, a tawp nanah chuan, kumina kan zawhna, hmamni maiah Starred question 67-ah khan Mirethei BPL Certificate neite tan Civil Hospital-ah te, Dandawi leh inzaina, operation free-a pek dan Sorkar hian a ngaintuah thei em ? tih zawhna a ni a a chhanna hi ka chianglo tlat mai a. Vawiina a chhanna chu, Civil Hospital leh Government Hospital-ah hian dandawi leh inzaina(operation) te hi a hlawh veka pek a ni a. Dandawi pawh a awm chuan a thlawna sem a ni. Paying Cabin luah theite chauh tan fee leh an awm man chawitir thin an ni tih a ni a. Helaiia chhanna hian BPL nge a kawh a, BPL lo ? ka hrelova. Tah hianin, a thlawh vek a pek tih mai a hi. Ninin te pawh khan kan bialte an awm a, kan va en a, an senso loh awmchhun chu, Doctor-te thianna leh Khum leh Nurse-te kut, chaw, chu zawng chu a ni a. An Drip pekna hriau te, an dandawi zawng zawnga te kha chu 100% tak tak kha an chawitir tih kha min hrih vek mai si a. Helaiia a chhanna nen hian a la inmil tho dan a awm em ? A thlawh vek a ni tih mai lai a hi engnge ni ta ? Hei hi BPL chawhte nge an nih a, a vaia chhanna hianin BPL te a ti chung tawh lo lai a hi engnge ni ? Tlema sawifiah dan a awm em ? tih a kha. Dandawi Inah va kal ila, an mahni lei vek a nih lai hian a thlawh veka pek a ni han tih a hi engnge ni aw ? kati a ni.

PU P.B.ROSANGA : Pu Speaker, zawnbelhna pakhat chauh. State Illness chung-chang thua kan Minister chhannaah khan pawisa harsatna avangin Budget-ah dah theih a ni lo tih a ni a. Budget-ah hian pawisa awmsa kan dah em? Kan ngaih pawimawh kan dah mai thin a ni zawk lo em ni? Chuti nise, engatinge ngai-pawimawh lova, Budget-ah a danga tangka a awm theih a, State Illness Fund-ah hian a awm theih loh tih kan zawt belh duh e.

PU J.LALTHANGLIANA : Pu Speaker, a ngai tho kha danglam deuh hlekin kan zawt duh a. Hemi State Illness Assistance Fund kha sum awm loh vanga dah loh ti khan chhanna kan hmu a, MLA zahawm tak pu K.L.Lianchia'n Health Department a enkawl lai khan vaibelchhe khat an dah mai thei a, khawilai ni emaw? Tichuan Central khan nuai 50 a rawn tum ve a, vaibelchhe khat leh a chanve an nei ta mai niin a lang a. Khatiang khan a tih ve theih mai lawm ni? tih ka zawt duh a.

Chulo lehah chuan, Member zah-awm tak ten an sawi tawh a, ka han thawh ve a. Phulpui lampang damlo ka va tlawh a, Damdawi engmah chu an pe lova, an lo sawi chu, Bru a ni a, Ka pu, hei chaw hi mi chan zat min pe a, ka fanu hi damlo chhia a ni lova, a chawei a tui si a, kan intawm a, kan khamlo em em a, leina tur kan nei si lova, a ti a. Ka zawt duh chu, mirethei harsa zual damlote hi chu Damdawi kan pe theilo anih pawhin awmpuitu hi chaw hi an khamkhawp tur hi kan pe thei lawm ni? tih ka zawt duh a ni.

PU NIRUPAM CHAKMA : Pu Speaker, supplementary questions. Minister has taken due to unavailable fund provision for the statements system can it not be provided Pu Speaker, it is a very shameful statement, very simple reply for lakhs of people who cannot afford Medicines because Government could not provide even one crore rupee. It is very simple let the Minister withdraw the statement. Other wise it will be very sad for the poor people of Mizoram. Let the Government provide upto the maximum limit of two crores, and it will be fully justified when the Minister is going for Medical treatment everywhere they want and spending a lot of money. They provided medical treatment while the poor people do not enjoy the same provision.

PU LALHMINGTHANGA : Pu Speaker, C.T.Scan chung-chang thua' hian a khawl leina a rei viau tawh mai si a, a dahna han en sawn a phui tha lemlo hlo mai a. Hetiang arj sensitive khawl hi an sawi dar hian A.C. Condition tha tak phui tak leh tha taka dah tur chu. niin an sawi a. Mahse, tunah chuan kum 1 dawn lai i vai vut nen a dah saw a ni a, hei hi a chhauyiril lam that loh te a hlahawm a, saw aia hmun tha zawkah sawn a dah that theih lawm ni? Chutulo chuan ~~viral~~ germ-tih angreng hian a reading hi a tidiklo hei an ti si a, kha kha kan Minister hian han chhang tel sela a tha awm munge. Chutiang hlahawm chu a awm reng em ni?

S P E A K E R : Chhang turin pu F.Malsawma i lo sawm leh ang.

PU F.MALSAWMA : Pu Speaker, zawna hnuhnung MINISTER ber leh zawna pakhat Khaw-hai bialtu zahawm tak zawna nen khanin a sawi kawp theihin ka hria, heni C.T.Scan chungchang hi. Hei hi ka enkawl ve hma thil a ni a, in hriat theuh angin pu Speaker, a dahna tur an lo ruahman hmasak kha an han enchiang a, a thawktu an Radiologist expert ten helaiah hi chuan a thal' onge, mipui tan a chep lutukin a khawl pawh a operate that theih lohvang an ti a. A building awmsa tura ngai chah leh lei a ni a, expert-in tha dawn lova an ngaih avangin tunah paying cabin ground-floor saw hmang ila an ti leh a, chu pawh chu hman X-Ray khawl pakhat lo chhiat tawh atang khan hetiang anga bunna a hnua a lo thei loh, suan leh tur angte sawina an awm khan Radiologist expert bawh khan a dik lovang, building tha heni atan han sak tur a ni, a nih loh chuan ken inti chhia nga, an ti a. Chung avang chuan a khawl kha rawn thawn muang mai rawh u, tiin leh-kha kan thawn a, anni chuan foreign atangin an rawn thawn si a, keinin helaiah kan lo titawp thei tawh love, an ti a. A lo thleng ta a, tichuan, a dahna uluk takin tunah sawn tuam a ni a, chumi chungah chuan Silpouline -in khuh thei leh vek a ni a. A khawl supply tute pawh vawi 2/3 a khat tawkin kan check tir reng a, tunah chuan a him tawkin an ngai a. Ruahin a theh em tiin thlatin, keimah ngei pawh hian a enkawltute ka zawt thin a. A hul thain a him e an ti a. Vai vut zingah kha chuan a awmlo a ni. Tunah chuan thil pawh la thleng lovah ngaih a ni e.

A building sak chungchangah khan State-in Sorkar atangin NAPARD atanga Rs.200 crores a la awm atang khan Token-in A.A. lak ni sela a ti a. Chungte chu a la rawn chhuah fel hmain Department-in tuna Member-te rawn sawi kha ngaihdan a neih avangin

Restricted Tender-a lo tlawngaia Fund la pok theih mai loh laia min tur ut ut lo tur, sumte reia ti thei tur an awm em tiin P.W.D. lam kha lo zawn turin an request ta a. Anni chuan Restricted Tender siamin tunah hian siamtir an ni a. Theih anga chakin an bei a, building tunah zawn lok lok a ni taw e.

Khawhai bialtu kan zawnha laia kha a Installation leh Building kha dangdeuh lai a awm a. A ruhrel a saw an han zawn kha a supplier-te hian nuai 14 in a chung kha A/C vek tur anih avangin an chei aiga, an thuch baw kanga, a chhuatte engkim kha an buaipui tur a ni. Chutah chuan, chawibelh tur a awm love kan han tih laia kha chu Installation bikah hian a ni a. A building bik a hi chu State Sorkarina a beih chhoh a ni.

PU LALHMINGTHANGA : A khawl a kha a hian tawh tih chhanna kha kan hmu a. Mahse, Silpouline kha cuam a ni tihte a ni a. Ka thlek thiek thuk tawh a, vaivut zinga awm kan tih kha a Room a saw a phui tawh lo tihna a ni a. Vaivut zinga awm tak tak phei chu a ni lova, tun Session chung hian party tin aiawh 2 theuh hian kan Minister tiam hian visit hi a rom lawm mawni le, a tha a nih chuan kan lungawi tlang a ni mai a. Mahse, Air-Condition Room-a tha taka packing-te awm khatianga tih tura a Company te pawhin an tih kha ni si a, a to ropui mai si a, kum khat dawnlai saw i sawn a chung pawh phui manglo in a awm taw a ni a, a ngaihtuahawm viauin an sawi a, a hria te hian, chu chu House pawhin kha kha kan satisfied theihna a ni a, pahnih theuh emaw inruat ila, hetatang hian Session chung hian en theih nisela chuan a lawmawm ngawt ang.

PU F.MALSAWMA : pu Speaker, kha kha Member MINISTER : dangten an peih phawt chuan a lawmawm khawp ang, kan vai hian kal thei nghe nghe ila a tha leh zualin ka ring a. Kha kha chu kan remchan tlandan i zawn angu. Harsatna a awmlo Department lam atang chuan most welcome a ni. Tin, kan sawi tawh ang kha, hei hi keimahni tih theih phalam a ni a, theih ang tawka Department lamir mut mawh hnarmawha an nei a ni a, chu chu a circumstance leh thil awmdan kha in hria a, chung kan sawi tawh kha kan lak ve atang hian theih ang tawka chakin kan bei a, kei pawhin cartin deuhthaw hian an building progress-te thawh pahin ka en thin a. Tlang ang chu kan beih ve dan a ni a, khatianga interest min neihpui kha lawmawm kati em em a, a theih phawta an inhuam phawt chuan hei hi chu en kha a tha ngawih ngawihin ka hria a, kan welcome e. (Speaker : Nakin zan programme siam rualin a entu tur party tin atangin kan rawn thlang chhuak dawn nia)

Tin, a dang kha chu pu Speaker, Budget-a dah loh kha a ni mai a, Department chuan nikum lam atang pawh khaw cheng nuai 50 tal kan ti a, Revised Estimate-ah te kan han dah thin a, a tlang lo a ni ber mai e. Chu chu kan inzawt lui mai pa. a, diktak chu n, Minister ni tawh theuh ka ni a, Department-in theih-tawp a chhuo a, a tlang loh na na na kha chuan thil awnzia hrerual vek kan ni a, a bak hi chu inzawh luih chi pawh niin ka hre lova, kan dah a, a tlang lo a ni tawh mai a, kan theihtawh chin a ni tih kha kan hriat a ngai a ni. Chu chu tangka kan indaih loh avangin a tlang lo a ni ringawt mai a ni. Department chuan tun thlang hian kan la take-up reng a, kan ngai pawimawh em em a, kan priority zingah pawh a tel a. Amaherawh-chu sum lam a indaih lova, hlawah pawh tunah hian harsatna kan neih chhoh turte thlang a awm avang hian.

Chutihruah chuan Doctor-te P.H.C. 10 verah tunah hian lakte an ngai a, Malaria hrik entu turte, Khatiang ang chite leh Fourth Grade-te an tel lova, hna ka hleitheh lo Hospital-ah chuan a tam a. Khang angte ah khan hlawn in a daihlo chung chung pawhin maimitchhing n tunah hian min rawihbelhsak turin Finance-in min rentinsak a, kan ngai pawimawh vek rual khan a Doctor-te leh zual, Thingtlang lama an mamawhte kha ngaihtuah tel a ngai bawh si a, kan theihnain a tlin bakah khaw, chung rau rauvah pawh chuan tunah hian zakhaw lama indaih lohna leh Doctor-te, Nurse-te awm loh avang a PHC hawn theih loh te kha hawn turin Finance lamte hi kan nawr buai bawh si a. Department tan chuan inthlahrunawm tak a niin harsatna kan tawh a. Amaherawh-chu, mihring nuana khawih anih avangin min hrethiamin kan Chief Minister hovin Department hrang hrangte kokhawm-in he g mamawh zual phuhrukna tur pawh hi min ngaihtuah-puia, tunah hian hmanna kan chhan tawh ang khan chung post-te pawh chu contract-a lak turin buaipui mek an ni tih kan sawi tawh kha. Tih hemi Referral Hospital chung-changa thil awndan tlangpui hi pu Speaker, kan sawifiah leh anga.

pakhatnaah chuan, a tir berah khan pu Deva Gowda lokal 1996 a, vaibelchhe 40 lo ngen a, ruahmanna lo thehluh khan, an lo pawm tak an nih an VPR thehluh an ni ta a. Chu chu P.W.D. in a buaipui a, chuta tang chuan sak tan a ni chho ta a. Amaherawh-chu, Hospital puitling tak, a building sawtiang anga tha leh standard tur kha chuanin khawilaiah nge C.T.Scan hun tur ni anga, X-Ray khawilaiah nge a section te te an awm ang tih neuh-neuh kha Hospital lama expert-te lo chuan tihsual a hlawnawm si a. Chung avang chuan tunah hian Hospital consultancy Firm-te rena a main building hi chu buaipui ngain kan hria a. Chulalah chuan khang Firm-te nen khan agreement sign tum a ni a. Chulai bawrah chuan P.W.D. in Revised Estimate an siam a, crores 40 khan a daih dawn silova, chu chu Central Sorkarin Non-Lapsable atanga Fund pek tur khang a detail project rawn siam rawh u, an t' a. A detail project siamtu tur Hospital Consultancy Firm kha rawihna turin 1 crore a tlem berah a ngai bawh si a.

Anni tel lovin DPR kha a theihluh theih bawk si lova, khalai dead-lock-uh khan kan tang a. Amaherawhchu, chung tihna, atan leh hemi kan ba lo pekna tur hian 5 crores tal hi min pe rawh u kan ti a. Nikum ama kan nawr kha kan hriatdanah chuanin a committee phei chuan hemi 5 crores hi min romtih sak tawh a. Amaherawhchu, tun harsatna lo awm ta hi Revised Estimate lo awm ta nen khan " sum a vaia daih tur law law hian rawh ruahman rawh u" an ti a. Hemi ruahmantu tur Hospital Consultancy Firm kha P.W.D.-in thawktute contractor ho hnena Fund an lo pe tawh bawk si a. Chulaia chu sawifel ngai-in kan awm a. D.O. Letter-te kan pe leh tawh a, tin, a hmunah pawh kan intir a, tin, chubakah keimah ngei pawhin a hmunah zuk sawi tumin kan Session zawnah hian Delhi tlawh kan tum a. Chu chu kan dinhmun mek lai a ni e.

Tin, BPL-te tana free-a damdawi pek theih a ni em ? tih chungchang kha, a thlawn leh thlawn loh laia kha a awm a. Damdawi ina mi an awm chuan Hospital khan a charge lova, tin, i zainate zai man pek an ni lova. Inzaina thil reng reng an zai velah khan engmah chawi an nei lova, cabin-a mite chuan kha kha chawi bik an nei ta a. Chawi nei lova awl tira kha awm chin a awm a. Amaherawhchu, pawnlam atanga damdawi amahniina an lo lei ve tur china kha a awm bawk a. Hei hi pu Speaker, kan inzawt mai pawh a, diktak chuan, Sorkar hmasa atanga kal daih tawh keini pawn opposition atanga, i veilama kan thut laia kan zawh ve fo tawh kha a ni a, thildang tehchiamin vawininniah hian kan inzawt a, ka hrechiang vek a ni, a harsa a, central Sorkarin hemi hi, hetiang atan khan Fund kha mi a pek tawh loh leh keima ni State-ina source kan neih bawk si loh avang khan kan harsa a. Chuvang chuan hei hi chu kan hriat sa vek a ni tlang a. Kan sawi ang khan kan problem a hi a dang danga pawh kha h mi zawhna atang hian a chhang zo tawhin ka hria a. Referral Hospital chungchang leh A.T.Scan building chungchang te hemi State Illness Fund chungchangah te, Assistants Fund chungchangah te khan heng zawng zawng hi ngaihndan pahnih a awm theiin ka hrelo va, kan Member zahawm tak takte ngaihndan kha ka mimal ngaihndan pawh a ni a. Amaherawhchu, "i duh zawng hil ti zel turin ka theihna a tlem si" tih ang kha a ni ber e.

S P E A K E R : Starred question No.72-na zawt turin pu L.N.Tluanga ilo sawm leh ang.

PU L.N.TLUANGA : Pu Speaker, Hon'ble Minister chhan atan Starred question No.72-na, Mizoram pawn lama refer case-a Damdawi Ina awmte senso Mizoram Sorkarin a bat Rs.4,53,059.00 lai a nib avangin Hospital thian bik tam takin credit facility Mizoram tan a tihtawp hi Sorkarin a hria em ?

Pu Speaker, lawk a na, hemi Sorkar bat inziak chhuka hi ka ziahsual zawk pawh a ni mai thei a, an chhutsual pah pawh a ni maj thei a, nuai 4 tih lek hi chu a nilo chiang khawp mai a, nuai 400 lawpang tih zawk tur daih a ni mai thei a. Engpawh nise, hei hi chu ka sawisel hran ! va, credit facility hi an tihtawp hi Sorkarin a hria em tih hi ka zawh duh ber chu a ni mai a, an bat zatte zawng ka ngaipawimawh hran lova.

PU F.MALSAWMA
MINISTER

: Pu Speaker, Starred question No.72-na chhanna chu hetiang a ni. A zawhna - Mizoram pawnlama refer case-a Damdawi Ina awnte senso Mizoram Sorkarin a bat Rs.4,53,059/- lai anih avangin Hospital thlan bik tam takin credit facility Mizoram tan an tihtawp hi Sorkarin a hria em ? tih chhanna chu. Mizoram pawnlama refer case Damdawi Ina awnte, Mizoram Sorkarin a bat Rs.4,53,059/- lai anih avangin Hospital thlan bik tam takin credit facility an tihtawp Mizoram Sorkarin a hrela tih chhanna a ni e.

S P E A K E R

: Question Hour a tawp chiah a, ni love, a laklawn ni lovin, a sawp tawh alawm. A tawp tawh kan tih si chuan chhan leh te kha a ngai dawn a, hrethiam mai rawn u aw. In zawhna lai tak pawh a chhang tha khawpin ka hria.

Member absent pu R.Tlang-hmingthanga, a farnu Mamitah a boral avangin a rawn kal thei lova, leave a rawn dil a, Member ten kan pawmpui thei mai lawm ni. A lawma n e.

Discussion and voting on demand, tunah chuan Voting of Demand-ah kan kal nghal mai anga. Minister Demand pahnih kan la kawp leh anga. pu Tawnluia, Minister Demand leh pu H.Vanlalauva, Minister Demand-te a ni a. Tunah pu Tawnluia'n a Demand-te cuse ah rawn submit sela a tha awm e.

PU TAWNLUIA
MINISTER

: Pu Speaker, Governor recoment-na leh i phalnain, Demand No. 13, 16, leh 25, cheng vaibelchhe 131, nuai 89, singhnih leh sangkua, kum 2002-2003 chhunga hemi a hnuai Department-a nman atan hian hetiangin - Demand No.13 - Personnel & Administrative Reforms Rs.69,20,000/-; Demand No. 16 - Home (Excluding Jail) Rs. 96,22,49,000/- ; Demand No.25 - Water Supply & Sanitation Rs. 34,97,60,000/- A vaim Rs. 121,89,29,000/- hi House-ah ka pharh e.

S P E A K E R

pu H. Vanlalauva'n a Demand
te han submit ve sela, i lo
sawm ang.

pu H. VANLALAUVA
MINISTER

pu Speaker, i remtinna leh
Mizoram Governor phanna anging
Demand No.19-Local Administra-
tion Department; No 27 - District
Councils leh Demand No. 35 - Fisheries Rs.103,26,05,000/-
te hi kum 2002-2003 chung a Department ka sawi tak te senso
atan hian he House zaha m taka min pass pui turin ka rawn
submit/move a hi.

Ka lawm e.

S P E A K E R

Minister ten an Demand te an
rawn submit ta a, kan sawi ho
leh nghal mai ang. Kan tih dan
pangngai ang in member pakhat in
10 minutes zel. Tun ah i lo sawi
tan dawn ang u. duh a piang lo
ding rawh u.

PU LALRINZUALA : Pu Speaker, a hmasa berah chuan Demand No.19-na LAD atangin tan ila. Ho anga lang ho si lo helaiah hian ngain pawimawh tak ka nei a, khawpuih leh thingtiangah leh Sub-Town ah te step leh Paving hnathawh tur a awm thin a, he department ah hian a tangkai viau va, amaherawhchu, a chhan danah an hna pek dan hi 10% Schedule of Rate below in kan pe thin a, hei ni a tha lovin ka hria a, a chhan chu 10% below a kan pek hian Schedule rate panggaia pek pawh hian tunlai ah kan Schedule rate te hi kan hre vek a, a harsa a, a thawh tak tak dan 10% below a kan pek hi corruption bul in tanna niin ka hria a, a chhan chu 10% aia hniama kan pek khan entirna step meter 10 siam tur ni ta sela, meter 5-ah te kan ti tawp mai a, a dung leh a vang kan tih in a tuar ta a, chutah chuan tunah hian he department hi in enchik ta sela, step leh pawng a siam thu a a siam ang hi a takah hian a chanve pawh a awmin ka ring tlat lova. Chuvang chuan, 10% a pek thin dan anga kan han hmang hi tihtawp thuai nisela, kan Mizoram tan hian a mawiin ka ring a, a chhan chu a thawktu hlawk loh kan duh si lova, khalaiah khan a dung leh a vang ten an tuar ta a, a hlaiin a kiar bawh niin ka hria a. Chu chu kan sawi duh phawt a.

Tin, a pahnihna ah chuan Demand No. 19 na ah bawh khan, ka bial chhungah hian V.C. nei awm tak khua New Sachan In 90 chuang zet an awm a, V.C. an nei lova, an awm hi kan phal tho si a, Sorkar hian electoral roll ah kan dah a, tin, ration card te kan pe thova, hetiang ang khua In tam ve bawh si hi a awm kan phal rau rau anih chuan V.C. pek dan te hi a awm lawm ni tihte ka ngaihtuah a, nakinah kan Minister pawhin hei hi Wind-up na ah min han chhang se ka duh khawp mai. Tin, kan ramah hian hetiang ang khua tih dawn a khua ni mang bawh si lo, awm ve si hi an awm deuh thliah a, heng hi engtin emaw an awmdan tur siam hi Sorkar hian kalphung fel deuh nei sela a tha in ka ring a.

Tin, Demand 27-na District Council chungchangah hian han sawi tur a awm a. District Council kan enkawl dan hi he kan Sorkarin a enkawl dan hi a tha tawh lo viau em aw tih ka ngaihtuah a. Tunhnai ah khan Lai District Council Area chhunga ka zin kual ve viau va. Hei pawisa hi kan han pe ve thin a, Development Fund te, amaherawhchu, kan pawisa pek hi eng atan nge an hman, hnathawhnan te an hmang em ? Engatan nge an hman tih hi a petu lampang hian kan ngaih-thah lutuk deuh em aw tih ka ngaihtuah a. Tuitlun hnar lama ka zuk kal chuan Ngengpui tlang an tihah khuan School building kum 2 zet chu ti khian a awm tawh ani an ti mai a, a chung a awm a, a dang pakhatmah a awm lova, khalaiah khan zirilaite hi kum 2 hmalamah chuan an awm a, tunah chuan an awm tawh lova, a chhan chu khi building khi School kalna chi ani tawh lova an ti a, chutiang chuan, khalamah khan pawisa te chu kan pe ve tho thin niin a lang a, kan enkawl dan a hi fimkhur deuh a tha lawm ni ? Pa in fa a hmangaihte chu pawisa kan pek pawhin engtinge an hman tih hi kan enzui deuh turah chuan kan ngai a, amaherawhchu, tuna kan enkawl dan hi pek hi kan lungawi tawh mai em ni tihte ka ngaihtuah a.

Tin, Pu Speaker, ka ngaih pawinawh ber lai ah hian District Council ah Mara District Council hi han sawi ka duh a. Tunah hian a rim kan hriat dan chuan he District Council hi kan Sorkar hian dissolve te pawh a tum niawmin a rim te kan hria a, ani em in ka ring lova. A chhan chu District Council te V/C te hi dissolve mai mai turah ka ngai lova. Democracy dan ang thlap a thlan ani a. A inthlan dan te pheih chu District Council ah te pheih chuan a hautak zia kan hre vek a. Tunah hian Mara District Council kan enkawl dan hi Pu Speaker, za ah za kristian kan ni kan in ti thaw thang a, kan nun dan atang leh kan lehkhabu thianghlim in a min zirtir dan han thlir hi chuan Mara District Council kan enkawl dan hi chu a diklo em em in ka hria a. Tunah sawn zep nak emaw a tlem zawkin a tam zawk chungah ro an rel a. A rorel lamah member 9 an awm a, a rorel lo lamah 10 an awm a. Chu chu Session te kan han koh sak thin a, mahsela, Democracy anga rorelna an han kalpui dawn chuan Session an koh bawk chuan a nilo zawk kha a lal a ngai zawk si a, chuvang chuan kan cancelled leh thin a, kan Session han koh pawh chutiang chuan kan sawp kan sawp niin a lang a. Tichuan tunah tak hian member te nominated seat tih loh an la awm thap a, Opposition lamah 10(sawm) an awm a, chu chu a tlem zawk member a te khan kan bawhbeh tir tlat mai a. Pu Speaker, he rorelna in zahawa tak ah hian nei hi kan Minister hian sawifiah sela ka duh a, ka ngen a. A chhan chu Democracy Principle an kalh tlat a ni. Chuvang chuan chutianga kan enkawl mek lai chuan Session hi loh theih lohva an thlen hun te pawh a la awm ang tih hlauh-thawn thil thu te pawh ani mai thei a. Tahchuan an District Council pumpui dissolve tum tlat te pawh hi a awm ta veih veih a maw ni tih turin boruak ah a awm a ni. Hemi hi kan ti ngat a nih chuan a dikin ka ring lova, tunah House ah sawn enchiang sela, a rorel tur zawk an awm mai a, chmite chuan rorel mai sela a dik mai a ni. Helaiah pawh kan tih dan tho ani a, kan in ti buai lo a ni. Helai hi uluk takin christian kan nih te pawh hre rengin ti ila a tha in ka ring.

Nominated seat chungchangah pawh a tam zawk te recommend a kha ngaih pawinawh ni sela, a tha in ka ring a, a tlem zawk recommend tihpuitling phet kan tum kha a dik lo a ni.

Demand 16-na nimin piah a Home Minister in statement te pawh a pe a, Vairengte bula incident lo awm kha a pawh hle a, a rapthlak bawk a "The most peaceful State" ah khatianga alo thleng te kha a pawh a ni. Hei hi kan tan warning na ni sela, tunah chuan motor te pawh Police Deptt. ah kan indaih in ka ring a, chuta tang chuan Highway Petroling te hi tan ru mai ila a tha lawm ni, thenawm State te hi buai reng reng an ni a, kawng zawng zawngah a harsa anih pawhin khu lam ep ah khuan ti mai sela tih kha rawt te ka duh a ni.

Tin, U.T. kan nih lai atang khan Lunglei ah S.P. kan nei a, bawiin thlengin min la awp reng mai a. Mizoram State chu kan chang zel mai a, DGP, IGP hnuaiah chuan DIG 4, Aizawl khawpui ah kan dah a, 4 zing a

tanga pakhat tal hi chu Lunglei leh Chhimituipui min awp turin Lunglei ah dah nisela kan ngen nawn duh a ni. Tunah hian Mal-sawna kan dawng a, motor thar pawh engemawzat kan dawng a. Chung atang chuan outpost Pu Speaker, minute khat chauh, Motor hei Bunghmun ah te Sumsilui Area a ni a, Lungsen ah te, Motor hlui deuh deuh an kawl a, a thar deuh hi min pe sela. Tin, Buarpu ah hian Police Station pakhat hi chu min dah sak ve turin ka ngen leh duh a, Session hmasa ah pawh khan ka sawi tawh a. Khulam ah khuan Police Station hi a awmlo lutuk a, a hla lutuk a, engemaw a lo awm hian a buaithlak lutuk a. Hetah mi man tur an awm in, Lunglei ah an tlan vang vang a, Km 100 dawn ah, chutah Police an va pun a, an lo kal leh hi chuan misual tan chuan tlanbona chance a tam lutuk a, khungah khuan dah dan awm ve sela, kan duh hle a, Matric Exam Centre te kan han nei ve a, khami han function tur pawh khan a hranpa a zuk tih a, lak leh a ngai a, khatiang kha kan buaina ani a. Chung te chu kan ngen duh a, PHE ah hian Pu Speaker, thil pakhat chiah Lungsen leh Sertlangpui ah hian tui kan mamawh lutuk tlat mai a, hei hi chu Scheme te pawh thehluh sa anih tawh kha, kan Minister zahawmtak hian min hriatsak se ka duh ani e. Ka lawm e.

PU TAWNLUIA : Pu Speaker, hun tha tak min pe a,
MINISTER ka lawm e. Vawiin ah hian ka Demand
te kan sawiho ang a. Thurawn leh
rawtna te kan ngaithla ang a, chung
atang chuan hmalak zelna tur leh kal zelna tur atan hlawkna
kan nei ang tih ka lo beisei a.

S P E A K E R : In sawi duh si lova, tumh in ding
duh si lova, ka sawm che u a, tumah
in sawi duh lo a tin anih kha. Kha-
lam atang pawh khun wind-up mai se an rawn ti a. In sawi duh
chuan sawi ka remti em em. Mahse sawi duh in awm si lova, tih
ngaihna ka hre tawh lo a ni.

PU TAWNLUIA : Pu Speaker, hun pawh i pe a, amah-
MINISTER erawhchu, sawi tur an awm loh avang-
in wind-up turin min ti a, wind-up
tura min rawn koh angin, tunah hian
ka Department chan a ka demand te han sawifiahna leh vawiin
ni a pass han dilna hun chu i mi sawna angin ka rawn hman
dawn a ni.

House ah hian fin rawl chhuah tum
lutukte pawh hi chet sualna ani ve fo mai a, hetiang hi a
awm ve chawk a nia. Dik tak chuan nichin ah khun sawi duh
tan chuan hun a awm a ni. Speaker-in hun pawh a pe tha khawp
a ni. Vawiin ni ah ka Department chan chhungah member ten
sawitur an nei lo hi an lungawi zawk nge ni ang, hetiang
boruak kan tawng hi thil danglam tak a ni. Engpawhnise, ka

te hetiang nian kan sawi zui nghal ang e.

A hmasa-in PHE hi han sawi ila, PHE hi Zoram-ah mipui ten tui thianglim in tur kham tawk kan neih theihna tur atana thawktu leh ngaihtuaktu Department ani a. Tiang chuan kumtin Rural Water Supply Scheme te, Urban Water Supply ah te hian theih ang angin hma kan la chho a. Tichuan tunah hianin India ram tehna leh kan Scheme Sorkar-in a approved-na atang chuan tui pek dan turah hian norms an siam a. Nikhatah mipakhatin 40 litres zel, a dawn theihna chin kha, tun hunah chuan tihdan phung turah an ngai a, chumi aia hma in a tih chuan, chumi tling ngei tura pek belhchhah zel kha kalphung a ni.

Tunah Mizoram pumah hian PHE chuan khaw 911-ah(habitation in 10/15 lek lek Village recognised lo mahse chhiar telin) hma kan la a. Chutiang chuan khaw 300 chuang zet hi fully covered litre 40 mipakhat-in nikhata a dawna khua an awm tawh a. Chutiang chuan kumtinin kha target kha khum turin hma kan la a. Tichuan, tunah hian khawpui lian deuh deuhah hian hna kallai kan neih chu Aizawl ah hian Phase-II kal lai mek kan nei a. Tin, Kawnpui ah khuan kan nei bawk a. Champhaiah kallai mek kan nei a. Tin, Khawzawl, Saitual, Vairengte te hi kan zo tep a. Chutiang ang chuan Khawpui lian deuh deuh a kan hna kalphung chu ani a. Tin, Aizawl bikah hian Scheme a tira siam kha revise a ngai a. Tichuan, Planning Commission leh Urban Development ten min rawn angin revised estimate siam a ni a. Chutianga kan revised estimate pawh chu nimin chhanna ah khan ka sawi tawhin ka hria a. Tun April thla ah khan Revised Estimate Phase II atan Rs.Vaibelchhe 113 leh nuai 37 min rawn approved sak a ni. Tunah hna hi thui tak thawh tawh ani a, chhonzawm zel a ni. Hei hi Non-lapseable Pool atanga kan hmuh a ni a, tin, Champhai Greater Water Supply Scheme pawh hi revised estimate a siam a ni a. Chu Revised Estimate chu nuai 2454 a ni a, chu chu tunah hian Urban Development Ministry te nen sawiho lai mek a ni a. Tin, engemaw zat chu Champhai ah khian hna tan tawh a ni a, Revise a ngaih avangin final approval chu nghah mek ani bawk a ni. Tiang chuan khawlian pui pui ah pawh hian hna kallai leh chhonzawm lai kan nei a, Champhai pawh hi Non-lapseable Pool Fund atanga fund lo kal a ni a, Pu Speaker, tunah hian khawpui lian deuh deuh a kan hna kallai Kawnpui, Khawzawl, Saitual, Vairengte te chu kan zo tep ve tawh a. Kawnpui erawh khu chu sum a la hautak deuhhleak avangin a la har deuhhleak ang a. A dang khaw thumte hi chu kumin Krismas hma hian Commission hman ve ngei pawh kan beisei viau a ni a. Tin, Pu Speaker, tunah hian thingtlang lamah chuan fund hi Central atang pawhin kan hmu tha ang reng viau a, Thingtlang lam tui han lakna atan chuan in pawisa kan hmu tha ang reng viau a. Amaherawhchu, Urban Water Supply kan tih khawpui lian deuh deuh te atana pawisa erawh hi chu hmuh tam a har khawp mai a. Chulai ah chuah a bik takin kan department in engelh a kan neih pakhat chu District Capital Mamit Water Supply Scheme hi ani a, tan kan la hle chungin tunah hian break through kan la nei chiah lova, kan ngaih pawimawh thu leh tan kan lak thu kha he House-ah hian kan Member zahawm tak tak te pawhin a min lo hriatpui atan ka sawi duh a ni.

Tin, tunah hian Referral Hospital Manit leh Kawrthah atana WSS te hi kan ngaih pawinawh leh tul hmasa nih kan hriat te an ni a, NEC lam atangin Fund hmuh tum in tunah hian kan vawm lut ve a, eng angin nge a lo chhuah ang kan hre lova, kan nghah pakhat ani a.

Tin, a dang leh ah chuan heng Siate, Hnahthial, Haulawng, Lawngtlai te atan hian chuan decelerated Urban Water Supply Project atangin pawisa hmuh kan beisei mek a, a funding system ah 50-50 ani a. Chu chu hman deuh a meeting ah khan N.E. ah chuan AUWSP hi cent percent funding ni rawh se'tih angin meeting minute a awm a, chung atang chuan heng khaw lian deuh deuh atana kan tui lakna tur sum hi chu la pawh chhuah theih kan beisei a. 50-50 funding a nih hian chuan kan State Fund sum atanga sum han pawh hek tur hi kan indaih loh em avang hian a harsa thin a.

Tin, Pu Speaker, vawin niah hian kan sawi duh pakhat chu PHE ah hian tui dahkhawl na fur tui dah khawl na kan ti a, Rain Water Harvesting Scheme kan ti a, chu chu ruahtui tam laia Tuizema lo dah khawmna ani a. Hei hi Mizoram khaw 312 velah hian In tinah Tuizem kan pe tawh a. Chu chu a Tuizem chuan Tuizem 17442 ani a. Hei hi kumin PHE hnathawh pakhat ani a, a tangkai hle in kan hria a. Khawtin ah khan a Kim biai main School te nen lam khan tui dahkhawl na Tuizem kha kan pe thin a. Kumin Budget tharah pawh hian engngemaw zat chu tih belh theih kan in beisei a ni. Tin, Rain Water Harvesting Scheme hi Mizoram PHE Department hming-thanna leh Khawvel (International) pawha an recognised programme pawinawh deuh ani a. Hmanniah pawh khan Aizawl ah North East State 7 te hetiang Rain Water Harvesting Scheme chung-changah hian Seminar-cum-Workshop neih ani a, Central atang pawhin diawhte an lo kal a, hei hi midang pawhin an rawn copy in an entawn ve zel dawn pawh niin kan hria a ni. Kan hriat theuh angin, Tuikhuahtlangah khian British hunlai kum 1900 ah khan lei an laikhuar a, tuizem furtui tla dawh khawl na tur in an lo sian a, khami ang zulzui khan tunah hian keini pawh in Mizoramah ruahtui a tam si a, a tam lai ami hi dahkhawl teh ang kan ti a. Ruahtui tla luia a luan thlak hnu-a pump chhuah leh kher hi zawng a hautak lutuk avang leh hei hi a tlawm zawk bawk avangin a hunlaia lo chhek khawl theih dan kha ngaihtuah ani a. Hei hi PHE Department Mizoram Sorkar ami hi a ti larin midang te pawhin kan hmalak na hi an rawn entawn in North East a kan unau dangte pawh hian an rawn ngai hlu in kan tihdan phung te an rawn zir ngun mem em a ni. Hei hi kan Department hmalakna ka sawifiah duh pakhat chu ani a. Tichuan, Pu Speaker, kumin kum lo kal chho tur zelah pawh hian Fund hi kan duh ang tawkin kan ngah lo na in Thingtlang lamah leh khawpuiah chuan kan theih ang angin hma kan la chho turah kan ngai a, chuvang chuan kan target hi tunah khawtinah hian tui lak Scheme kan nei tawh a, chuta khaw 300-400 velah chuan khawihnawn ngai tawh lova a tehfung 40 lped phakna a ni tawh a, khaw 400 chuachang chuan tunah hian a tehfung kan phakna turin kan han bei ve leh tang tang chho a ni.

Tin, thil pakhat, hmanni lawk ah khan TNT ah sawn kan tui lak kan hlan a. TNT Zuangtui sawn tui an mamawh hle a, tui lak tur engngemaw ti tih a an dap kha remchang an neih thu min rawn hrilh a. Chutah chuan PHE Department in a enfiah in Estimate a siam a, tiang chuan Department in tui lakna kha TNT Camp, Zuangtui ami tan sawn a siam zo a. A siam zawh chiah khan a enkawl hna leh kha tui lak a kha amahni pum bil turin an hnenah pek a niin hlan a ni a. Sawlai a miharsa zawk ten a an hman turin kan Department pawhin khalam ah khan kan tih theih ve tawk anih hi kan ti a. Cheng nuai 10 man dawn niin ka hria a, a Estimate a kha, chu tui lak chu a enkawl na leh a tui lak hrim hrim (Scheme) a pawh kha TNT ah chuan kan hlan ve a. Kha kha vawin ni ah hian thil te tak te mah niselangin, he House ah hian han sawi ve awm tak niin ka hria a. Kan sawi phawt a ni a.

Awle, Pu Speaker, vawiin niah hian hei kan hriat theuh angin Dan leh Thupek kenkawhna, remna leh muanna kenkawhna kawngah hian Mizoram a kan Police te an thawk tha in an thawk rim hle a, chuti chung chuan kan hriat loh hlan in khawimaw lai ah chuan kan duh loh thil lo thleng leh zauh hi chu a awm a. Amaherawhchu, Pu Speaker, heti chung hian Mizoram hi India ram pumpui State dang dangte teh a khafkhin chuan in State ralmuang ber tih tlak khawpin vawiin niah hian Mizoram ah hian peaceful atmosphere kan nei a, a lawmawm hle in kan hria a. Heng hi kan Police te thawh rimna chu thukhat, mipui ten remna leh muanna vawnhima chumi hnuai hmasawn na thlamuang tak leh hlim taka hmalak chhoh hi kan duh em avang in Kohhran lampang atangte NGO lampang atangte, khawtlang hruaitu atang te in remna leh muanna, venhimna leh kenkawhna kawngah hian tawiamna kan hmu tha em em a. Chumi avang chuan vawiin ni ah hian Mizoram ah thlamuang takin mirethei ber te pawhin hlauhthawhna leh raltit-na nei miah lovin zanlai ah pawh khawi hmunah pawh kan kal in he boruak muanawm tak hi kan nei a, lawmawm kan ti a. Hetah hian theihtawpin kan Police te pawhin hna an thawk zel dawn a, nichinah khan Buarpu bialtu zahawmtak khanin High Way Petrolling te pawh hi a tha lawm ni a ti a, hman deuh atang khan hei hi tan ani tawh a, amaherawhchu, rin aiin daih zai rei a har khawp mai a. Chuvangin High Way Petrolling te hi tunah hian a bul kan tan tawh ang hian chhunzawm theih zel kan beisei a ni.

Tin, nichina Buarpu bialtu zahawm takin a sawi angin Police Modernization Scheme ah hian in Scheme chi hnih a awm a. A pakhat chu Special Modernization kan ti a, chu chu a bungrua in Central atangin a lo thleng thin a, a dang leh chu Normal Modernization Scheme pangngai a awm a, chu chu a sum leh paiin a lo thleng thin a ni a. Chutiang ang chuan tun kum 3 chhung hianin hemi Modernization Scheme atang hian pawisa leh bungrua kan dawng tha em em a, chu chuan min tiphuisui in kan Police te moral pawh hi a boost up tha em em in ka hria a. Ralthuam leh a mu lampang ah te leh communication inbiak hlatna/inbiak pawhna W/T equipment lamah te kan phuisui phah hle a. Tin, chubak ah keimahni intrastructure lamah Office leh Quarter sak te leh thildang tul te thawhnan modernization scheme hi a pawimawh

in a tangkai em em a, kan State Plan atang hi chuannin, nikumah khan nuai 300 tling lo deuh hi Police Housing ah kan nei ve a, hei kuminah chuan Budget kan en khanin nuai 300 emaw kan nei a, chutiang chuan kan han inthuan phuisuina atana sum lo kal dan ani a. Finance Commission atang hian kumtin 100 lakh vel chu Police enkawlina mamawh hrang hrang atan kan hmu bawk a. Chutiang chu kan fund hmuh dan ani thin a. Amaherawhchu, hemi modernization atanga sum lo kal leh a tak a, a bungrua a tanpuina lo kal hian min tiphuisui chho mek zel ani a. Tun kum thum chhung hianin sum, a pawisa fai a tanpuina modernisation scheme atanga lo kal hi cheng nuai 1262 kan hmu a. Kumin kum lo kal mek, kan hman lai mek ah pawh hian nuai 500/600 te hi chu kan hmu leh ngei ngei turah kan ngai ani a. Tin, a bik takin Vehicle, Motor chi hrang hrang tun kum thum chhung hian in kan dawng tha ang reng viau a. A chi hrang hrang, Motor Cycle tiam lo pawh hian tun kum thum chhunga Modernization atanga Vehicle kan hmuh hi 230 zet niin ka hria a. Motor Cycle pawh engemawzat, 40/50 thawkkhat lai khan kan hmu a ni.

Tin, chutiang chuan keini pawhin kan Motor hlui te kha kan phase out zel a. Hengte hi kan Motor belhchhahna a la tling pha chiah lova, kan Motor te hi kum 10/12/15 a Upa te a lo ni tawh a, chung chu kan off road a, chumi replacement atan chuan heng Vehicle te hi kan hman hrih a. Police Vehicle hi a fleet han ti ta ilangin, kan Motor neih hi a vai hian 500 vel a ni a. A tlangpui ah Vehicle 500 fleet nei ah kan in ngai a. Chu chu tunah hian kan hmuh thar zel te hian kan han thlak tha a. Tunah chuan, Vehicle maintenance a kan sum sen sang lutuk thin a kha heng Motor thar kum 3 chhung a 200 chuang lai kan han hmuh hian a tihnam thla em em ang tih pawh kan ring a ni a. Chutiang ang chuan heng Motor te hi kan tangkai pui em em a ni. Tuna kan MLA zahawmtak in Highway Petrolling ah te leh kilkhawr zawk a out post ah te hian Motor a pek theih lawmni tih a kha, keini pawhina kan tum ber ani a. Amaherawhchu, Police Headquarters atang pawhin District Wise in Vehicle te chu allotment siam ani a, S.P. ten khatiang ang khan a tul angin amahni bialchhungah chuan an lo sem ve tur a ni ang a. Amaherawhchu, kan hriat reng a chu keini pawhin kan instruction ah outlying post, hemi kilkhawr zual ami te hi chu a tha deuh te pawh pe teh u, kan indaih zai a, hna kan thawh that theihna turin, kan ti thin a ni. Vawin-ah hian Police ah Forensic Science Laboratory hi tunah a Scheme te mumal takin siam peihfel a niin hna kan tan chho mek a, hei hi Crime Detection ah a pawimawh em em a, tunah hian a hming in bul kan tan che che a, Central Sorkar pawh a in hawng em em a ni. Laboratory ah hian post create ngai pawh kan ti nual tawhin create leh tur tul pawh hi bawhzui kal lai mek a ni a, Central Sorkar Home lamin an ngai pawimawh em em a, hemi tello hian chuan Crime detector hi duh thu a sam lo ani an ti, an hriat chian em em avangin, anni pawh in min ngaih pawimawh pui a, keimahni lama kan tih tur post create/ siksawi kual kha Finance lam te nen pawh la sawiho tur te kan nei a, phuisui zawkin Forensic Science Laboratory pawh hi tih thuai kan in ring a ni. Hemi hmanrua tur pawh hi Modernization ah hian a bungrua a lo kal zingah hian tam tak a lo tel tawh a, lo kal zel turin demand/scheme pawh kan siam ve zel a ni. Kha kha Police lamah keimahni chhungkhur thu ani a.

Police ah hian Recruitment tun kum 2/3 chung hian vawihnih neih ani a. Mizo nula leh tlangval 1200 chung zet chu Police Constable ah hian lak an ni tawh a, a then chuan an Training mek a, a then chuan an Training zo tawh a. Nikum October khan 500 zet in passing out an nei a, tunah hian 630 zet in an training leh mek a. Chuni bakah chuan Sports a ti tha te Constable a thun te pawh an nei a, tin, Compasante a han thun zauh te kan nei bawk a, NCC lam atanga ti tha te han lak zauh te nen chuan Constable liau liau ah pawh 1200 hi tun 2/3 chung hian kan Mizo tlangval te Mizoram Police ah hian enroll ani in kan hria, tunah P.T.C. ah khuan an leng lo a, 400-500 inkar an Training a, 3rd Battallion ah hian 200 chuanguin an Training a, chutiang chuan an training mawlh mawlh a, kan phuisui bakah kan man-power pawh hi a pung chho ve in nakin lawkah chuan indaihzaizawkin hnathawh theih kan inbeisei a ni a.

Tin, Pu Speaker, kan sawi leh duh chu, Airport Security Duty atan Airport authority of India hian Mizoram Sorkar ah Police min dil a, kum 1999 khan post 77 kan siam a. Lengpui Airport Security Duty tur khuan kan dah a, a kalphung chu Airport Authority of India hian Mizoram Sorkarah re-imburement an rawn ti tur ani a, an lehkha a an tih dan pawh ani a. Hemi kalphung pawh hi an service a kha koimah-niin kan utilise loh avang khan a chhawrtute khan an hlawh an rawn tum tur ani a, khulamah pawh khuan hma kan la chho mek a ni. Tin, Lengpui ah khuan Security Duty tur kan neih kha 77 kha an quater tur pawh a awmsa vek a, khulai khu an duty-na hmuh tur ani a, chu chu Airport hian a kalphung ani a. Chubak ah Pu Speaker, Airport Authority of India in Airport a duty tur neilo leh tlangval Home Guard ami, Matric Passed chin 10 min rawn dil a, Passenger te lo dap (Frisking) tu tur an ni a. Matric Passed kha kan neisa mai si lova, mipa 5, nula 5 tur kha a ni a. Sanctioned strength atangin tlem a nan siamrem theih dan kha a awm a, tunah hiam Home Guard atan Matric Passed nula leh tlangval 5 ve ve lak an ni a. Chuvang chuan thla 3 Training an zo tep tawh a. an Training zawh ah Airport ah khuan Passengers te lo dap a duty tur Home Guard Mizo nula leh tlangval te an awm dawn ani tih kan sawi duh bawk a ni.

Wawiin ah hian DP & AR atangin Transfer lampangte, Promotion te, Appointment te kan en a, post fill up chungchangte kan nghakhlel hle a, Sorkar pawh in a nghakhlel a, Tin, department pawhin hmather kan la dawn a, post creation kan mamawh a, chungah pawh chuan rawtna proposal te a kal thin a. Nguntakin Sorkara mawhphurtuten an en a, DP & AR ah Finance ah, Planning ah a kalphung ani a. Ka sawi duh chu Pu Speaker, wawinah hian i veilam a thu te hian an sawi chamchi MOU an ti a, chu chuan Mizoram Sorkar kut hi a phuar emaw tiin mipui zirtir an tum thin a. Hei hi chu a dik lo a ni. Kan hriat ang khan Police Department ah pawh khan mi 1200 zet kha kan Sorkar hnu ah hian recruitment tih tawh ani a, chu mai bakah hmanni chhanna ah pawh khan 70 chung chu Dan ang si in appointment thar pek an nih kha hriat ani a, chutiang ang chuan kan Sorkar hian hong a tul leh mamawh ah chuan a harsa chung pawhin appointment te leh

post fill up a ti chho a, promotion min due tawh a, a phutawh chuan kan block lo a ni, promotion pek zel an ni. Mahse khami resultant vacancy a new recruit a thar dahluhna erawh kha chu tlem in kan hisap thui deuhhleik lo thei lova, tiang chu thil kalphung ani a, kan Sorkar pawhin kan sum dinhmunte enchung zelin heng hna fill up-na te pawh hi a ngaihtuah chho zel ang tih kan beisei a ni a.

Tin, chumi zawh ah kan sawi leh duh chu tunah hian MPSC in MCS Recruitment a ti dawn a, Advertisement a chhuah tawh a, exam turin inbuatsaih ani a, tin, chuti- tiang bawh chuan MPS pawh recruitment tih tur ani bawh a. He mite pahnih atan hian MPSC in Advertisement a chhuah tawh a. Amaherawhchu, MPS ah khan an Course ti mai ila, an examna tur subject ah khan tlema enfel ngai a lo awm deuh avangin leh chuti- tiang ang rawtna chu Zirlai lamte leh Association dangte atang pawhin chik zawk a thlir tuten helai hi enchian nise tih an neih avangin MPS Exam hun chu tlemin sawnhlat ani ta a. Heng thil tul hi kan en chhova, amendment siam a ngai a, Cab- inet ah a lut tep tawh a, chumi kan tihfel chuan recruitment MPS tur pawh advertisement chhuah leh tho ani ang a, a hma a form lo fill up tawh zawng zawng kha kan tihbuai dawn avangin khang kha, form a thlawnin kan pe tawh dawn a, pawisa a hrapa a form man a chawi tawh lovin. chuti- tiang chuan lo ti tawh sa te pawh kha kan chhawmdawl theihna ani ang e tiin khatiang zawng khan kan ti dawn bawh ani a. Tunah hian MCS hi Junior Grade ah hian kan indaih lo khawp mai a, a chunglam pawh ani tho a. MCS recruitment hi tunah hian kan nghakhlel hle a, chuti- tiang chuan Sorkar hna pawimawh leh tul zualah hian kan Sorkar hian pawisa harsa chung pawh hian tih hram hram a tum a ni. Helai- hian appointment thar hi kan ti lo ngawt, lova, awmze nei zawkin, rilru nei takin Sorkarin hisap neiin hma a la ani tih kha vawiin niah hian Pu Speaker, kan sawi duh ani e. Awle, Pu Speaker, sawi dawn ila, sawitur atam thei hle dawn a, vawiin niah hian chu chu kan sawi chin ni mai se, a tha in ka ring a. Tichuan, Pu Speaker, heng ka Demand No.13,16,25 DP&AR te, Home excluding Jail te, Water Supply Sanitation te a vawin Rs. vaibelchhe 131, nuai 89 singhnih leh sangkua te hi he House zahawmtak hian min pass turin ka rawn ngen e.

S P E A K E R : Pu Tawnluia Minister-in a demand No.13,16,25 te hi House-ah pass a rawn dil a, Pass remti apiangin remti ti rawh ula, Remti lo kan awm em ? remti lo chuan remtilo ti rawh u. Awle, Pu Tawnluia Minister Demand No.13,16,25 te a vawin cheng vaibelchhe 131, Nuai 89, Singhnih leh Sangkua te chu House-in lungrual takin a passed a ni.

Tunah chuan Pu H.Vanlalauva'n a Demand te rawn sawifiah-in pass rawn dil ve leh nghal se I lo sawm ang.

PU H. VANLALAUVA : Pu Speaker, ka lawm e, vawiin-niah i
MINISTER : Rorelna dik tak avang hian he House
zahawmtak hian hun lo kal zelah zah-
awmna a neih phah theih ka beisei a,
fiamthu ti tak nena helaia kan roreltu sangber kan che thin hi
vawiinni atang hian kan in enlet a, kan House chung pawh zah-
awm zawka kan kal ka beisei a. Ka lawm tak meuh a ni.

Pu Speaker, ka Demand te Member pa-
khat khan a sawi hman a, amaherawhchu, hei tunah amahni pawh
an hriat duhte leh an thil phutte han sawifianna ngaithla thei
lova an awm ta hi pawh ka ti hle a.

A hmasaber in Pu Speaker, Fisheries
Department atang hian tan mai ilangin a tha in ka ring a. Fish-
eries Department hi, Department te tak te, Director post pawh
la nei lo, Joint Director hova, thawktu tlemte awmna ani tih
kan hria a. Sorkar hmasa ah pheih kha chuan Pu Speaker, House
Leader ber pawhin a mang nghilh palh chang awm thin, hriat
hlawh lo tak ani tih kan hria a. Amaherawhchu, tun Pu Zoram-
thanga kaihhruai Sorkar hian kan ram intodelhna atana Depart-
ment pawimawh tak anih hria a, a ngaih pawimawh em avangin
vawinah chuan Mizoram mipui leh Memberte hmehhriat a lo hlawh
ve tan ta niin kan hria a, a lawmawm kan ti hle a. House ah
pawh Memberte thusawiah a lo ri zing ve ta hle a. Tin, vanneih-
thlak takin kumin 2002-2003 budget session March thla a kan han
neih a, Mizoram Governor Speech ah khan Mizorama thangthar, kan
thalai lehkhathiam hna hmu lo tam tak tena eizawna bul nghet
hna an neih theihna tura Project Scheme siam awmchhun Depart-
ment niin a lo lang ta hial a. Kha Project ah khan lehkhathiam
hna hmu lo, mi 5000 tena eizawna bul an tanna tur project
scheme buatsaih ani a, chu chu tunah hian Central ah bawhzui
mek ani a, Hlawhtlin ngei pawh kan inbeisei a ni. Pu Speaker
nikum lam aiin Rs.15 lakhs leh singhnih lain tuna kan budget
hi tlahniam mahsela, nikum aia nasa a hmalak tumin Department
chu a inbuatsaih ve a ni tih he House hi ka hrih duh a. Chu-
tihruai rual chuan R.E. lamah erawh chuan kan Planning leh
Finance lamin a kan thahnemngaihna leh hmalakna turte min
hriatthiam sak a, min hriat reng kan duhin kan ngen bawh a ni.

He Department te tak te hian Fish
Seed Farm hi kan hun chungah hian pathum siam puitlingin
kan hawng tawh a. Chungte chu - Zobawk-ah Rs.nuai 33 leh
singthum sengin siam zawh ani a, nikum 20th July, 2001 khan
hawn ani tawh a. Tin, Lengpui ah hian cheng nuai sawmli leh
pariat zet sengin siam peih ani a, chu chu kumin 14th February
2002 ah khan hawn ani tawh bawh a. Tin, Zawlnuam ah cheng
nuai 58 sengin siam zawh ani a, 30th May, 2002 ah khan hawn
ani tawh bawh a. Hengah hian a Sangha khawina dil pui pawh
buatsaih tel zel an ni a. Heng atanga Sangha no kan siam
chhuahthe hi kan rama Fish Farmer ho, Sangha vulh a, Sangha
khawi a, eizawngtute mamawh tam zawk chu puhru thei ah kan
in ngai a. Chuti anih chuan vaibelchhe engemawzat phailama
Sangha no lei nana kan sum sen thin a kha kan khuap tang

thei tawh tuah kan inbeisei a ni. Tin, heng bakah hian Fish Farm pali dangah tunah hian hmalak mekna dang kan noi a, chung te chu Palak ah, hei hi chu District Council kutah cheng nuai 30 hlan in anmahni lo buaipui turin dah ani a, chung bakah chuan Ngengpui ah, Thenzawi ah leh Tamdil ah te tunah hian hma kan la mek a, hna kan thawk mek a ni. Amaherawhchu, Pu Speaker, hei fur khua in min nang a, kan zawh hun tur tak erawh chu sawithiam harsa kan ti a. Heng Fish Seed Farm pali te hi kan siam peih leh chuan Sangha no State dang atanga kan lak thin te hi kan ti tawp thei tuah kan ngai a, chuvang chuan kan Budget te pawh ram pawn lama thawchhuak lova, keimahni leh keimahni ah kan in leburh theih tawh kan beisei ani. Hei hmasawna thil pawimawh tak ani ang tih kan beisei bawk a ni.

Tin, Sangha khawituten ah tharchhuah te man man zawk leh an duh ang a tihral theihna turin market lam atan kan inbuatsaihna ah tunah hian Sangha dahthatna mai nilo, thlai dang zawng zawng pawh dahthat theihna Cold Storage leh Vur siamna (Ice Plant) pawh hmunhnih ah siam peih a hawn ani tawh a. Chu chu Bawngkawnah Rs.58 nuai sengin siam ani a. Kum 2001 August ni 1 ah khan hawn ani a, tin, Kolasib ah Rs. nuai 54 sengin siam ani bawk a. Chu chu nikum October 16 khan hawn ani tawh bawk a. Tin, Vur siamna (Ice Plant) hi Bilkhawthlir ah Rs. nuai 15 sengin siam ani a, chu chu September 21, 2001 khan hawn ani bawk a. Hengte hi tunah an function mek a, kan Sangha vulh tu te (Farmers) ho ten an chhawr tangkai em em tawh ani.

Tin, Sangha no-te, Farmers ho leh mamawh dang atana kan pekchhuah dan tlangpui hetiang a ni. Nikum 2001-2002 ah Khan Private Farm ah/ mimal hnenah nuai 60 sea chhuah ani a, tin, Department Farm ah nuai 36 dah ani bawk a. Luipui ah riverian ah hian nuai 21 dah ani bawk a, a vaiin nuai 117 semchhuah a ni, kuminah hian chumi let deuhthaw sem chhuak turin kan inbuatsaih a. Tun ah hian a season hmasa lo thleng Common Crop chu nuai 80 zet semchhuah ani leh tawh bawk a ni. Tin, Pu Speaker, riverian/luipuia Sangha note chhuah hi mi tam takin an sawisel niin chanchinbu ah te ti ti ah te a awm thin a, hrechiang lo tan chuan sawisel awm tak pawh ani reng a ni. Mahse, a Department erawh chuan hlawk leh zawngchhang tlak nia hria in heng ah hian hmalak zel tum ani a. A hlawkna nia hriatte chu tunah hian mi tam takin sum hnarah an hman tan mek tawh niin report V.C. hrang hrang leh tlawngai pawl/YMA atang te in dawn a ni. Department in Sangha no a chhuah, engemawzat man in mi thenkhatten ei an zawng tan mek tawh ani tih hriat a ni a. Chubakah, kan ram lui te humhalha venhim hi kan mawh a ni. Kan ta a ni a, a neitu kan ni a, midangin min venhim sak dawn lo. Lui dunga Sangha leh nungcha dangte tur leh thildang hmanga dik lo taka sawisak ching an awm thin a ni. Luipui dunga Sangha no kan han chhuah a, V.C. leh YMA te kan han pun thin hian a ti phur a, hei hian chakna nasa tak min pe a, hei hi kan tangkai pui hle in kan hria a, Awareness campaign pawh kan uar deuh deuh a tul a ni. Amaherawhchu, harsatna kan neih erawh chu, Sorkarin kan lui dungte humhalh turin tan kan han la dawn a, dan tlawchhan tur mumal kan lo nei hauh lova,

Central YMA President hmasa in a sawi ang deuhin, tun kan dinhmunah chuan 'tiau phova rel fel' anih mai loh chuan a harsa khawp mai. Court kan thlen chuan in Sorkarin thiamloh kan chang dawn dawn mai zel a, chuvang chuan, tunah hian kan lui-pui dungte humhalhna tur dan thar kan buatsaih a, chu chu Law in min vet sak tawh a, tunah hian Cabinet ah Council of Minister te ngaihtuah turin chhawp mek ani tawh a, hei hi reilote ah kan peih chuan kan luidung humhalhna hi awmze neiin kan kalpui thei ang tih kan in beisei a ni. Tin, Fish Farmer Development Agency Unit 5 tunah hian kan nei a, Aizawl 'E' Aizawl West, Kolasib, Lunglei leh Saiha te anni a, heng hmang hian mimal Sangha khawi leh vulh a eizawngtute tuikhuah chei-thatna tanpuina pek thin ani a. Kum 2001-2002 ah khan nuai 20 awrh kan semchhuak thei a, heng tanpuina hi kuminah hian erawhchuan vanneihthlak takin a let deuhthaw nuai 40 vel semchhuak thei turah kan inggai tawh a, chu chu tunah hian kan buatsaih mek a, reilote ah semchhuah theih kan in beisei a ni. Tichuan, nikumah tuikhuah hectre 80 vel zet chei tha angah kan in ngai a, kuminah erawhchuan, 180 chei tha thei turah kan in beisei a ni.

Pu Speaker, Mizoram hi Sangha kan intodelh thuai theihnan tun aia chak a hmalak/hnathawh a ngai a. Chak zawk a hnathawk turin Director puitling kan mamawh a. Tunah District pathum chauh kan nei a, Administrative District tina kan nei thei rih lo a nih pawhin, District pahnih khat tal hawn belh kan mamawh khawp mai tih hi Planning Department leh Finance lamin min lo chhinchhiah sak ka duh a ni.

Pu Speaker, District Council ah lut tawh mai ila, a tha ang e. Buarpu Bialtu MLA zahawmtak khan District Council in pawisa an hman dan hi a dik lo a ni, enpui a tul khawp in ka hria... tiin a rawn sawilang nual a. A dik na chin a awm thei ang. Mahse kan Financial System hi siamthat anih loh chuan tuna kan dinhmun angah hi chuan a harsa khawp mai. In enpui pawh ni ila, Control theih dan kan nei vak lo a ni. Chuvangin, Financial System a hi kan tihdanglam chuan a mihring a te hi a enkawltu Minister leh District Council hruiitu a te hi a pangngai reng pawh nimahila, kan Financial management thu ah tun ai hian kan zia-awm ang tih ka ring, chumi kawng chu tunah hian Pu Speaker, kan zawng mek ani tih member zawttu pawh kha ka hrilh duh a ni.

Tin, MADC chungchangah hian, Pu Speaker, a tawp thil tak tak a kha chu sawi theih nilo mahsela helaia member in a hriat duh 'tunah hian Minority in Sorkar a siam a hei hi a dik lo a ni' a tih kha erawhchu a hriat chian loh vang niin ka hria a. MADC ah hian a tirah MNF elected 4, Congress 7, MNF nominated 2 an vaiin Member 13 ten Sorkar an siam a ni. (Member zawng zawng 23 an ni a) Amaherawhchu, MNF elected 2 leh nominated seat a mi 1 mipathum in min phatsan ta a, chumi avang chuan Nominated Seat Member 4 te zinga 3 in (MNF-1 leh MDF-2 in) No-confidence min moved tak avangin Nominated Member 3 te kan pah ta a ni. District Council Sorkar a ngheh theihna tura member ruat

(Governor appoint) tenag~~ainst~~zawnga hma an lo lak tak avangin Nominated Member Pali (4) te chu kan ban (remove) ta a. Tin, Mizoram Governor in mithar pathum leh a pangngai (a hma a lo tel sa) pakhat an vain mi 4 (pali) appoint thar a, chung a appoint thar te chu sawisel in Nominated Member remove tak zingami ten High Court ah min khing ta a. Tichuan, Court in Governor thuneihna ani a, a remove hi a vai (an pali) hian a dik a ni. Amaherawhchu, a appoint thar leh hi Council of Minister te rawtna a approved ringawt hi a dik lova, amahin a appoint tur a ni. Council of Minister chu a duh leh a rawn ang a, an thurawn chu a duh leh a pawm ang a, hei hi chu a ma discretionary power chhung ami liau liau ani a, amahin a ruat tur a ni, chuvangin Council of Minister te rawtna a lo approve ngawt hi a diklo ani e, tiin Nominated Member pathum te hi an member nihna kha suspend angin a lo awm ta a. Amaherawhchu, a hma a kalphung zawng zawngah tuna LADC te CADC (Chakma leh Lai District Council) te, tin, Mara ami hun kal tawh ami zawng zawng pawh kha khatiang vek a appoint kha a nih avangin hei hi Dan ang taka tih ani tiin Sorkarin High Court Division Branch ah kan appeal ta a, chu chu tunah hian ngaihtuah mek ani ta a ni. Tin, MADC Special Emergent Session ni 29th May, 2002 ah Sorkarin a ko va, Sorkar in Session a kohna chhan hi he High Court hian May 27th kha hearing ni tur atana ruat a ni a, High Court a thubuai a kal lai mek a Session neih hi a remlo/ theih loh va, May 27th 2002 ah hearing neih anih chuan May 29th 2002 ah chuan Session a neih theih mai ang a, tiin lo koh lawk ani a, nimahsela, High Court in hearing hun hi a ni ruat leh lovin a postpone leh tak si avangin May 29th 2002 a Emergent Special Session lo koh pawh kha High Court in hearing a neih hma a tih theih anih si loh avangin, a hun sawi chuang bik lovin post-pone leh ani ta mai zawk a ni tih kha kan members helai thil hrechiang duh kha kan hirih duh bawk a ni.

Tin, tunah hian kan dinhmunah chuan, elected pahnih in min lo phatsan ta a, chuvang chuan MNE Elected Member pahnih, Congress Member 7, chu chu Legislature pakhat a awm a, pakua an ni a. Tin, Nominated Member pali te hi M.N.F. vek anni tawh a, MNE in Member 13 a nei a ni, tunah hian Dan ang thlapa tih anih vangin keini chuan keimahni member ah kan la pawm thlap a ni. Chu chu a dinhmun chu ani. Tin, kan demand hi nikum (2001-2002) aini cheng vaibelchhe hnih leh nuai 33 zetin a pung a. Hei hian Pu Speaker, Pu Zoramthanga kaihruai Mizoram Sorkar hian Chhintuipui District Backward Area kan tih thin te hi a ngaihsak zia leh a hma ngaihsak pawh a ti lang chiang hle niin ka hria. Department dangah nasatak a Budget a tlem zawk lain vaibelchhe hnih leh nuai 33 zeta a pung hian, Mizoram Sorkarin a Backward Area kan tih, District Council pathum te a a rilru put dan a sawifiah niin ka hria a. Tin, chumai chu ni lovin, Pu Speaker, Sixth Schedule Amendment thu ah Sorkar hmasa hun chhung zawng khan State Sorkar recommend-na District Council pathum te hian an dil thin a, mahse, Sorkar-in a recommend duh lova. Tun tuma kan Chief Minister zahawmtak in recommend na a ziah chu kan E.M pakhat phei chuan 'U.T. dilna a thiltel ah ka va duh em' a ti hial a ni. Chuti khawp a tha chuan kan Chief Minister hian recommend-na a ziak/siamsak a ni.

Tin, MUDCO loan avail ve thin te pawh Sorkar hmasa in kan lo tih tawp sak tawh a, tun Sorkar nian District Council 3 ten HUDCO Loan anmahni District Council ah an in pek leh theihnan hma a lak sak a, Sorkar hi surety ah dingin, nikumah pawh khan HUDCO Loan hi an sem leh tawh a, kumin ah pawh hian an sem leh dawn a ni.

Tin, chumaj chu ni lovin, tunhma District Council 3 te ah a tak tak a hmasawna hnathawh mit a hmuh theih a tlem em em a ni. Pu Zoramthanga keihhruai, Mizoram Sorkar-in Backward Area ah Chhintuipui District, District Council 3 Area ah te hian a tak tak mit a hmuh theihin hma a la nasa em em a, a kal apiangin mit a hmuh theih vek a ni. Entirnan- Chawngte khawpui (Kallamanagar) Chakma District Council khawpui a luipui pahnih luang a leihlawn te pawh thir hrui a khai then duai duai, Motor te pawh a mal zawh ngai a awm kha, tunah sawn a crore telin permanent Bridge in leilawn dawh hnathawh mek ani tawh a. A contractor pawh Mizoram PWD in Contractor a a chhuanvawr ber Pu R. Sangkhuma, Khatla a mi hmangin, leihlawn dawh hna hi thawh mek ani tawh. Chutiang chuan Damdawi In leh thil chi hrang hrang an kawthler chei hna chenin thawh mek ani a, chuvang chuan, kan Budget te a pung lam ani bawk nen, theihtawp a tan lak kan tum zel ani tih he House hi ka hrilh duh a ni e.

Pu Speaker, LAD ah hian Demand pum-puiah nikum aiin Rs.5,33,60,000/- lain a tlahniam a, hei hi a tlangpui chuan Capital section LIC/HBA bikah a hniam nasat kha a lo lang chhuak niin a lang a. Tin, chubak-ah chuan Non-Lapseable Central Pool Fund ah te pawh IDSMT lumte nen a lo tlahniam deuh bawk nen, nikumah Other Administrative Service hnuaiah R.E. ah khan nuai 511 leh Singnga hman a ni a. Kumin ah hian nuai 3,66,30,000/- dah ani a. Hei hi Street Light ah ringawt pawh hian chhiah atan nuai 200 dawn pek leh a ngai ngei ang tih a rinawm a, chubakah chuan Village Council General Election te kan lo nei dawn a, chungah chuan nuai 150 vel dawn lai chu kan mamawh ngei ang tih a lang bawk si a. Pu Speaker, kan budget hi kan khawp khamlo deuh dawn niin a lang a, chuvang chuan a bul tanna ah Planning leh Finance Department lam ten beng min lo chhit sak turin kan ngen hmasa duh a ni.

Tin, Duarpui bialtu Pu Lalrinzuala Khan hna pek dan chungchang thu-ah 10% below hi chu a hun tawh love, a ti a. A nihna chen chu a awm viauin a lang a, heng hi kan lo enzui ang tiin kan hrilh duh a. Tin, ama bial khaw pahnih Sachan leh Terubonia V/C pek niawm tak pek anni lova, a tih kha chu, an dillo ani mai thei a, Pu Speaker, ka hre Chiang chiah lo na a, heng khua te hi ka hriatdan a sual loh chuan Chakma khua anni a, anni hi khaw nget nei manglo a pem pem anni a. Tin, tun Sorkar hianin tehfung a nei a, chungah chuan heng hi an la tlinglo pawh ani mai thei a. Engpawhnise, tunah hian Village Council General Election hi October thla chung ngeia neih hram tum a ni. Chumi hma chuan Village Council thar dil duh zawng zawngte tan dilna hun hawn ani a. Tunah hian chung chu enfiiah anni tawh a, amaherawhchu, a final

na chu Council of Minister ngaihtuah turin Cabinet Agenda tur in chhawp mek ani a, chung zingah chuan a tel em tih erawhchu ka hre chiah lova. Engpawhnise, hei hi kan lo chhinchhiah ang e, tiin kan hrilh duh a ni.

Tin, Department hmalakna tlangpui han tarlang thuak thuak ila, a tawi thei ang berin, Aizawl khawpui leh District khawpui dangah te mihring ke a kalna Pedestrian Pavement leh Footpath ti a kan sawi checker tile phah leh phah loh te, kum kalta 2001-2002 chhung khan Km 2 1/2 vel siam a ni a. Hemi atan hian nuai 46 vel sen niin kan hria a. Hei hi kan ram khawpui Aizawl khawpui leh khawpui dangah te pawh thil la awm ngai lo thil langsar ve tak pakhat ni ve in kan hria a. Hei hi min tihlimtu pakhat tak pawh a ni ve a ni. Nikuma cheng nuai 46 vel senga kan hmalakna bakah tun kumthar ah hian Rs.76,89,000/- tunah hian nei dawnin kan in hria a. Hemi a hma kan han lak leh hi chuan kan khawpui Aizawl khawpui leh khawpui dang hmel hi a tidanglam ve viau turah kan beisei a. Heng hi 11th Finance Commission (EFC) kan tih mai in khawpui cheina tura min pek Urban Bodies Fund atanga kan hmuhte ani ber a ni. Tin, EFC tho Local Bodies Fund kan han tih mai hi a kai rual thei ang bera hman a ni a. Heng hi Zokhua ah Village thlan bikte tan pek an ni a, Village khatah hian a len leh a tet dan a zirin, (V.C. a in len hlein em avangin) a in zah vek thei lova, a tlangpuiin a tlem berah pawh 1,30,000/- vel niin ka hria a, a lian erawh chu 2,00,000/- dawn pawh an ni awm e. Chutiang chuan in nikumah khan khaw 130 thlan bikah an khawtlang develope na tur hi sum bek an ni tawh a. Tin, kumihah hian pakhatin kan tipung a, khaw 131 hnenah pek tuma buatsaih mek a ni. Tichuan, Rotation in nikum leh kumina thlan loh khua te kha nakumah thlan loh an ni ang a, nakumah khua zawng zawng hian tikim thei tawh turah ngai ila, kimlo deuh a nih pawhin a tam tawh lo viau turah kan ngai a ni.

Tin, hemi Local Bodies Fund hi District Council 3 ah chuan a khaw mal mal keimahnin kan thlan sak lova, anmahni District Council kutah hlanin Village chei tur hi anmahni District Council in an thlang ve thung a ni. Chutiang chuan kalpui a ni a, tin, Slum Area Development Fund hi khawpui veng hrang hranga thlan bik vengah te pek thin a ni a, mahse kumdanga kan lo tih thin Aizawl khawpui ah Veng zawng zawng huapa veng tlafual bik leh huafual bikte kan thlang vek thin kha Central lamin tumkhata hma vak lo tura min tih avangin khaw 25 aia tam lo thlan tur a ni an tih a vangin a Rotation in khawpui veng hrang hrangah kan kual ta deuhlek a. Tichuan, kumihah hian chumi atan chuan nuai 104 vel kan nei a. Nikum (2001-2002) aini nuai 6 velin a tlem hret a, mahse hei hi tangkai tak leh hlawk taka hman tum a ni. Tin, Urban Development Fund hi City, Town leh Sub-town atan deuh a hmuh ni mahsela, V.C. enkawltu LAD hi kan nih avangin V.C. te nen a kan inzawma tihnghehnan leh neitu an nihna an in hriat vena atan tiin, heng hi Mizoram a khua zawng zawng huapin hma kan han la a, amaherawhchu, City,

Town leh Sub-Town bakah hi chuan singhnih singthum bak chu a harsa hle a ni. Tichuan, nikumah khan hemi atan hian eng nuai 237 kan hmu a, kumin ah hian nuai 259 kan nei dawn in kan in hria. Chumi a nih chuan nuai 22 in a pung hret dawn tihna a ni. Chuvang chuan kum hlui aia nasa zawk in hma kan lak theih kan in beisei a ni. Pu Speaker, i.veilam a mite awm ta lo hi paw ka ti hle a, vawiinni ah hian challenge pawh han siam ka duh viau a ni. Sorkar hmasa in kum 10 chhung a L.A.D. Fund hmanga khuu/Veng hrang hranga hna an lo thawh-te leh kum 3 leh a chanve chhunga Pu Zoramthanga kaihhruai Sorkar-in khaw-tlang development hna a thawh te hi a khaikhin ngam ni in ka hria a, hemi hi khawtin, veng tin hi zawt in enfiah ngam niin ka hria a. Pu Speaker, duhtusam lo hle mahse theih tawp chuan hna kan thawk a, kan tang ve ani tih hi he House hian min hriatpui pawh kan duh a, kan sawilang a ni.

Tin, Market leh Motor Truck/Bus terminal leh Station chungchang thu ah te IDSMT te leh Non-Capable Central Pool Fund kan hmuh te atangin Mizoram khawpui hrang hrang ah tunah hian hnathawh mek a ni. Market building 25 vel lai tunah hian (25 ai pawn a tam mai thei) ka ti-sual palh thei a, tunah hian Senior Town & Country Planner enkawlin hmalak mek an ni a. Aizawl khawpui bakah khawpui hrang hrang 7/8 velah heng hna hi tunah hian thawh mek ani a. Keimahni LAD kuta awm chu tunah hian a hna tan vek tawh an nih lain P.W.D. kuta ken pek New Market erawhchu, vawiinni thlang hian Tender la tih hleihtheih loh in a awm a, chu chuanin harsatna te min siam a, tunah hian U.C. kan pek theih loh avangin 2nd Instalment lo kal leh tur 5 crore pawh min la block sak rih a, paw ka ti hle a ni. Amaherawhchu, Department in a enkawl te ah chuan U.C. te pek kim vek tawh a ni a, hengah hian Truck Terminal leh Bus Station pawh Lunglei leh Champhai ah chuan tih fel an ni tih kan sawi duh a.

Tin, Multi-Storey Car Parking Complex siam Sorkarin a tum a, Aizawl khawpui Traffic tawt lutuk hi kan Chief Minister hian a vei em em a, tunah hian Transport Minister hovin, Transport Department leh Department dangte nen a tangrualin theih tawpin hma an la mek a. He harsatna sutkian a nih theihnan he Scheme Multy-Storey Car Parking Complex hi Chief Minister nova duanchhuah ani ta a ni. Tunah hian Aizawl khawpui Veng hrang hrang hmun 15 thlang chhuak in, chungah chuan Car Parking, Motor 40 aia tlem lo dah theihna siam tum a ni. Tunah hian hriattirna chhuah mek ani a, mimal in (private in) light vehicle a tlem berah 40 tal park theih na tur siam duh te tan loan mimal hnenah cheng nuai 50/- aia tlem lo pe turin Sorkar a imbuatsaih a. Hei hi ZIDCO kaltlang in ani ang a, chumi ah chuan a dil duh te tan chuan tun June ni 15 thlengin dilna hun hawn a la ni. Engemaw zatin an dil tawh a, chung atana a Veng thlanchhuah te chu hongte hi an ni a -

- 1) Kulikawn (2) Thakthing Bazar (3) Khatla,
- 4) Dawrpui, Near Ritz Market (5) Zarkawt I (7) Chanmari I,
- 7) Vaivakawn (8) Dinthar kawm (9) Zarkawt II
- 10) Ramhlun North (11) Bawngkawm I (12) Bawngkawm II
- 13) Chaltlang Dawrkawn (14) Zemabawk (15) Chanmari II.

Heng hmun 15 ah te hian Car Parking Complex sa duh te tan loan la in sak theih ani ang a, tahchuan hmun khatah light vehicle 40 tal Park theihna ani ngei tur a ni. Chumi bak chu Market ah emaw, a building kha a ram neitu in tha leh tul an tih ang in a building chunglam pawh kha hman theih tura buatsaih pui Sorkar-in a tum a ni. Hemi hi kan tih theih chuan kan khawpui kawt lai traffic a harsatna tam tak hi min chhawk ngei ang tih pawh kan beisei a, a dilna hun hawn mek a la ni e.

Tin, Englian High Mass te hi nikum khan hmun li ah dah ani a, kan dahna te chu - A.T.C. Durtlang tual ah 1 dah ani a, Civil Hospital tual ah, New Market ah leh Dawrpui thlanmual ah dah an ni a, chhit en vek tawh a ni. Kum in ah nian rokhawlhna dang a awm loh chuan hmun 3 ah dah leh tum ani a, a dahna hmun tur chu tunah hian ngaihtuah mek a ni. Tin, Loan chungchang thu - Nikum 2001-2002 ah khan ni 556 hnenah Housing Loan pek a ni a. Kumin 2002-2003 ah hian mi 636 te hnenah Housing Loan pek leh tum ani a, tunah inbuatsaih mek a ni.

Tin, LIC, HBA Sorkar hnathawk Loan kan tin mai hi nikumah (2001-2002) ah khan Sorkar hnathawk mi 3052 hnenah pek a ni a, kuminah pawh hetiang zat vel tal hi chu pek theih nisela, tiin departmentin inbuatsaihna a kalpui mek a ni.

Tin, Dan thar siam mek chungchangah hian Municipality, Municipal Council/Board emaw Town Committee emaw sawi a tam hle a, hei hi bill te pawh tunhnaia lo theihluh tawh leh a hnu ah an buatsaih leh te pawh a awm nual a. Amah-erawhchu, kan han enchiang a, Constitution Amendment vawi 74 na mil a Municipality Council/Board emaw, Town Committee emaw lo herrem State an lo la tlem viau mai a, churang chuan tunah khatiana lo her rem tawh te chu zang chhuakin tunah hian chu Dan chu kan buatsaih mek a. Hemi hi kan ngaih pawimawh em avangin kan Chief Minister, zahawmtak leh kan DP & AR Minister te pawhin min lo remtih pui avangin heng Dan thar siam tur hian O.S.D. kan ruai ringawt mai a. Dan tha tak kan siamchhuah theih kan beisei a. Chubak ah chuan V.C. Dan te pawh hi (S P E A K E R : Lo ngawi lawk rawh aw, kan zo law law dawn em ni ang) Awle, kan zo law law ang e, V.C. Dan, V.C. dinhmun, an thuneihna leh lawmmante pawh hi ennawn a ngai ta viau a, chubakah chuan V.C. Dan hnuaiah Mizoram Village Council Development Rules buatsaih mek ani bawk a. Hei hi State dang a Panchayats hnathawh ang V.C. tena an thawh ve theihna tur dan ani a, State dangin Gram Seba an tih mai Central Body of Village Development Agency pawh ruahman tel ani a. He House ah hian engtik hunah emaw chuan pharh theih kan beisei, Pu Speaker, Building Regulation- leimin, lirnghing, chhiatna dang dang lo thleng thei lak a kan him theihna tura dan thar kan mamawh em em te pawh tunah hian buatsaih mek ani a, Building Rules for Multi-Storey Building State dangin an neihte pawh zirin tunah hian hma lak chhoh mek a ni.

Tin, khawpui (City) Aizawl City leh District khawpui dangte Master Plan te pawh House a kan sawi lan tawh ang khan tunah hian buatsaih mek ani mai ni lovin, Aizawl City Master Plan phei chu zawhfel ani tawh a. Tunah hian approve ani tawh nghe nghe a, Notified mai tur dinhmunah a ding tawh a, chutiang chuan District khawpui dangte leh Sub-town leh kan khawpui dang dang te pawh Master Plan tih mek an ni a. Heng pawh hi reilo te ah zawh thuai tum ani a. Tin, Village Council General Election hi nichina kan sawi tawh ang khan kumin December 16 hi a hun dik tak nimahseja, Kristian te Kutpui, Krismas leh Kumthar nena inhnaih lutuk avangte, tin Zirlaite Exam hun nena kan thlir te pawhin sawn hma hret tha in kan hria a, October thla chung ngei a, Village Council General Election hi nei turin kan inbuatsaih mek a ni tih kha kan sawi duh a, heng atana kan mamawh sum ruahmanna te vawiin ni ah sawihona hun tha tak kan nei a, hun tha kan Speaker in min pe hi lawmawm ka ti a, Pu Speaker, ka Demand No.19 Local Administration Department ah hian cheng vaibelchhe 51, nuai 75 leh sing 5, Demand No.27 - District Council - Vaibelchhe 49, nuai 27, leh Demand No.35- Fisheries Vaibelchhe 2, nuai 24 a vavin cheng Vaibelchhe 103, nuai 26 leh sangnga te hi he House zahawmtak hian min pass pui turin ka han ngen a ni e. Ka lawm e.

S P E A K E R : Awle, Pu H.Vanlalauva, Minister in a demand No.19,27,35 avaiin cheng Vaibelchhe 103 nuai 26 Sangnga te chu House ah pass a rawn dil a, Remti apiangin 'remti' ti rawh u le, Pass remti lo a piangin 'remti lo' ti rawh u. 'REMTI'

Awle, Pu H.Vanlalauva Minister demand No:19,27,35 a vavin cheng Vaibelchhe 103, Nuai 26, Sangnga te chu House hian lungrual takin a pass a ni.

Awle, hei vawiinah House a zahawm zel theihna turin helai atang chuan Ruling a neih loh theih loh a, thusawi turin in hriat angin kan in ko va pakhatin a sawi a, sawi leh tur kan nggak reng a, Opposition lama leh Ruling lam tang pawhin sawi tur in awm lova, Opposition lam atangin Wind up mai nise tih rawtna a lo kal bawk a, tuman in hnial bawk si lova. Chuvangin, hetiang hian kan kal tlang ta a, a pawh khawp mai a. Member ten hengah harsatna hrang hrang in bialte leh Zoram pumpui huapa thil pawimawh in sawina hun ani a, hun hi kan ren ani hauh lova, BAC in a duan ang zel a kal hi ani a, mahse MLA te hi ram roreltu tak tak kan ni a, kan House a zahawm theihna turin kan rorel hun chung hi chuan theihtawpin uluk takin rorel a tha in ka hria a. Chuvang chuanin Minister ten hnathawhna hmun tur emaw ti deuh-thaw ang hialin file te helai in khawih tin a, chungte pawh chu House Leader rawnin kan rawn khap che u a, ti mai ang, ti lo turin kan ngen che u a, tha takin in rawn zawm a. Tin, hei thil danglam tak tak tun Pu Zoramthanga hruai Sorkar hnu ah Assembly House lam atang hian kan nei a ni. Quarum tel lovin hmanni lawk khan kan awm a, hei hi kum 1991 khan a lo

awm tawh bawk a, chu pawh chu kan Quorum kan tlin loh khan tu-
mahin mawh kan phur chuang lova, Member-ten mawh an phur ber a.
Ruling lamah mi 5 chauh an awm a, Opposition lamah Member tu-
mah an awm ta bawk si lova, chuvang chuanin House te kha kan
adjourned ta hial kha ani a. Chutiang chuanin helai rorelna
ti tak tak a, thinlung tak tak a kan tih a ngai a, inmawhpuh
tur zawna hmun mai mai leh kan sawitur te pawh thiante sawi
atanga sawi tum mai mai anga awma hmun pawh ani lova, theih
tawpa kan ingaihtuahna hmun tur ani a. Chutiang chuan helai
hi rorelna a zahawm theihnan tiin tling lo takin ka kaihruai
che u a ni tih hi ka in hria a. Mahse Dan leh dun te a nihna
ang taka kalpui hi ka duh a, chuvang chuan House a zahawm theih
nan tiin helaia kan duty te pawh uniform nen thlap kan duty
tir a, chutiang in Leader of Opposition te pawh in itsikna
avangin kan indah duh thin lo fova, tunah he Sorkar ah chuan
rang takin Cabinet Rank in kan dah a. Tin, chutiingin PAC
Chairman ah te pawh Group lian ber te duh anga dah thin hi an
duh loh ang taka dan a nih thin avangin tun tumah erawh chuan
Opposition Group lian ber hnenah PAC Chairman nihna te pawh
kan pe a ni. Chutianga kan thiltihna apiangah hian Ruling or
Opposition emaw thlir a thil ti kan ni reng reng lova, Quorum
chungchangte pawh Ruling chuan sawisel duh sela sawisel tur
tam tak in neiin ka ring a, chutiingin tan ka han la ve a ni a.
Heng kawngah hian tih dik loh te pawh kan nei thei a, tha tak
a min hrih ka mamawh a, mahse, sawisel mai mai hlau hi chuan
ka kal thiam ve lo reng reng a, chu ai chuan helai a thutloh
hi ka duh ani tih member ten min hriatsak tha in ka hria. Ka
theih ang leh ka ngaihtuahna zawng zawng nen he rorelna hi
kalpui che u ka tum ani tih hi vawin ah hian ka sawi lang duh
a ni.

Vawin atana kan Business chu kan zo
ta a. Kan chawl rih ang a, Naktuk 16.2.2002 Nilai Dar 10:30AM
ah kan thu khawm leh ang.

Sitting Adourned 1:10 P.M.

...556/-